


I MWAANGE

 . . . kuno ciindi cimbi, mu Zina lya Mwami Jesu, a kumvwa milimo mipati a yanguzu eyo Njo kacita, kaindi. Elyo eno twaima a bulangizi bupati, kunyamuna lusyomo lwesu a kutunanika, kusyoma kuti eco calombwa sunu masiku ciyo pegwa. Yebo ulizi umwi aumwi wabo, zyoonse ezyo nzoba lomba. Elyo twa bakombela, kapati, Mwami, abo bali munsu loko ku lufu. Koleta lumuno ku buntu bwabo ikuti na talunaba muya. Koleta kuponya ku mubili wabo. Ko cipa, Mwami.

² Koleleka kuboola kwesu antoomwe. Twa—twa lomba, Mwami, ku muswaangano oyu wa mipailo Bwatatu masiku, kuti, mbuli mbo twabungana antoomwe, kuziba kuti kufwumbwa mpo babungana bobile na baina antoomwe, Uyo oba a ndiswe. Nkabela twa kulomba Yebo, Mwami, kutupa Ijwi Lyako masiku aano. Ambaula kuli ndiswe, Mwami, a kukasaazyu myoyo yesu, cakugambya, kuti tuzibe nzila ya kulilaya tobeni ku ciindi cibotu cibikkidwe kumbele, mbuli mbo tusyoma kuti twaswena ku Kuboola kwa Mwami.

³ Twa Ku lomba ku bantu lino kuti batalika kujana lusyomo luyandisi kuli mbabo, a kuziba kuti lusyomo camba nzi. Elyo kukuziba, akwalo Ku kulumba ku miswangano icili kumbele, kusyoma kuti Uyo cita cimwi cintu. Mwami, tula lindila a bulangizi bupati, mbuli mazuba akainda, kusyoma kuti ciindi cilafwafwi elyo Noya kujula buyo mpulungwido zyaku Julu a kutila zisyomezyo ezyo Leza nzyasyomezya mu buzuba obu bwa mamanino.

⁴ Lino twa Ku lomba, Mwami, ku—ku ba a boonse, masi oonse, mbuli sunu mbo twamvwa banji loko koonse, masena oonse, bali mu kubula. Bape kulomba kwabo, Mwami. Elyo twa lomba kuti tubone janza pati lya Leza kali beleka ku nyika yoonse aakati ka baabo bayandaula cintu eci cipati.

⁵ Tule kelele kubisya kwesu. Ko tukoma, Mwami, a Muuya Wako a Ijwi Lyako, kuti tukonzye kulilaya, bazike baswiilila, bazike baswiilila ku luyando lwa Leza. Kotubamba kuyeeya, a kusola kuyeeye mu myoyo yesu, eco Banakristo bataanzi ncoba kacita. Musyobo nzi mbotunga twa swangana ikuti twakaswangana baabo abo baka swaana cigaminina a Nduwe. Obo masyu abo mbwa kamweka ku lusyomo a lutangalo. Obo maumi abo mbwa keelede kuti akali Ijwi lya Leza lipona, buyo “magwalo alembedwe aa balwa a bantu boonse,” mbuli mbo bakeenda mukati a kati ka bantu. Leza, kocipa lwabili.

⁶ Akube kuti maumi esu alipe kuli Nduwe, kuti Muuya Uusalala uyo pona Lwawo kwiinda muli ndiswe, a kwaamba kwiinda muli ndiswe, Mwami. Akube kuti tuyeeye, mu mizeezo

yesu, mbuli mbotweenda mu kagwagwa a kucumbana maboko a nyika, ta tweelede kuba mbuli baabo. Elyo twaimina aambali a kubalekela busena, Mwami, mu zibaka zyabo zyeede ano aa nyika. Tuyo kkalila kusule, kuziba kuti tuli baiminzi kuzwa ku nyika iimbi. Tu jisi Bwami obo buboola mu nguzu, Mwami. Elyo Mwaami wesu mupati ulasika calino a kutola bweendelezi bwa mami oonse ali mu bulelo Bwakwe. Elyo Uyo endelezya a kulela; a Nguwe a nyika ano, myaka iili cuulu, alimwi a kuba antoomwe a Nguwe kwalyoonse.

⁷ A ceeci mu mizeezo, Mwami, lino twa langila ku bwiinguzi bwa mupailo wesu. Twa langa ku kulyambilila kwesu. Ikuti na twa cita cintu cili coonse, kwaamba cintu cili coonse, na kuyeeya cintu cili coonse, eco ciimpene ku luyando Lwako, kolekela Bulowa bwa Jesu Kristo butusalazye.

⁸ Ko tusololela, Mwami, mbuli mucizi mbwaamba masiku ano, kujatikizya nguwe a mulumi mu mugwagwa kuya ku Chicago. Ko basololela, Mwami Leza, ku busena Nko konzya ku babelesya, kuti bakabe mitunga ya mumuni kuli bamwi bagugulika mu mudima, abo batamuzi Mwami Jesu wesu. Lino twaaba kubungana kuli Nduwe, a kuswilila ku Ijwi Lyako lya kululamikwa, kuti tuzibe nzila yaku libambila ku oora eeli lipati, mu Zina lya Jesu twa cilomba. Amenii.

[Kabeela katakwe cintu aa teepu. Mukwesu Neville waamba kutondezya muzeezo wakwe—Mul.]

Mwami aku leleke. Nda lumba, mukwesu.

⁹ Tii ndali kulangilwa asyoonto kuli eci. Mebo, mukuba ku ng'anda, Nda limvwa kuti na Ndali kweelede ncobeni kwiinka ku busena bumwi, cibukilambuta, inga Nda limvwa bubi, mebo kukkala ku ng'anda a kuta boola ku muswaangano wa mipailo. Elyo Nda swaya biyo, cakutalangiwa, kuli lwangu, akwalo ku mukwasyi wangu. Nda boola biyo, a kutanyamuka cakubinda. Elyo aboobo Nda amba, “Ndu unka kunselelo ku muswaangano wa mipailo.” Elyo taajisi ciindi akwalo cakulibambila cakusika, aboobo taazi kuti Nda li kuboola.

¹⁰ Aboobo Ndi kkomene kumvwa bumboni bwa mucizi kuya, mukwesu, kujatikizya Mumuni oyo kutala ku South Carolina na North Carolina, ku busena bumwi. Greenville, mbo bwakabede na? [Mucizi waamba, “Peepe. Southern Pines.”—Mul.] Southern Pines. Iiyi.

¹¹ Mukwesu Lee Vayle waliko buya sunu. Nda mu bapatizya, sunu, mu mulimo wa lubapatizyo kuno sunu. Mukwesu Lee Vayle muli muzi, a bakutausi kuya, Mukwesu Parker Thomas. Bali aa . . .

¹² Nda yeeye kwa—kwa ciindi, mucizi nakavunikilwa cimvwule. Ca kali citondezyo cipati, mucizi, kuli eco i . . . I Muuya Uusalala ziindi zimwi ula tulekela kuya ambele a kusunka lusyomo lwesu, kubona cintu, akusunka lusyomo lwa

bamwi. Cindi wano langa kugama ku cintu cimwi, a kubona cintu cimwi, a ku caamba; bamwi bala langa nkabela taba ciboni, ba laamba kuti taciko. Mwabona? Pele nko cili.

¹³ Lino, kwaka nyina muntu wakabona Mumuni wakali kulengelela atala ali Paulo, pele Wa kaliko. Taakwe muntu wakabona inziba eyo kaiseluka aansi kuzwa ku Julu, mu Mumuni oyo, mu ciimo, a kulengelela atala ali Jesu, pele Johane lwakwe. Pele Ya kaliko. Mwabona?

¹⁴ Elyo aboobo, mpawo, kumane cindi ni Nda li kwambila bantu makani a Mumuni kuba mbuli Musumpululu wa Mulilo, kwiina wakali kuyanda ku cisyoma. Pele eno liso lya muchini wa kkamera kwakazibya Oyo, mbuli Mbo wakaboola.

Elyo muya mubi ulasiya mbi.

¹⁵ Cili mbuli buyo maumi esu, tuli zimvwule. Elyo tuli. . . Ikuti na tuli mumuni, oko maumi esu nkwa endelana a Mumuni wa buzuba, twe enda mu Mumuni.

¹⁶ Cili mbuli kuti walanga anze kwaamba, “Nda bona zuba,” mu masakati. Yebo—yebo ula bona cimvwule ca zuba. Ngu citondezyo ca zuba. Talili zuba, lwalyo, pele ci tondezya kuti zuba nkolili. Ci tondezya kuti zuba nkolili.

¹⁷ Elyo lino cindi Nda bona, mbuli ndinywe kamu kkede ku busena kuya, kamubelesya mafaani, kamwaambaula, eco caamba kuti mulapona, pele ngu cimvule buyo ca buumi.

¹⁸ Nkaambo, kufumbwa cintu ceelede kuba a mudima muli ncico, kupanga cimvule. Mwabona? Nkaambo, cimvwule ceelede kuba a mudima munji loko a mumuni munji loko, kupanga cimvwule. Elyo taci konzyi kuba mudima mu boonse, alimwi taci konzyi kuba mumuni mu boonse. Ikuti na cila siya, cila siya ncobeni. Ikuti na mumuni, kwiina cimvwule, kwiina cintu cipanga cimvwule. Pele ikuti na casanganisigwa mudima a mumuni, cipanga cimvwule.

¹⁹ Aboobo tuli zimvwule zini zya mumuni. Lino mutondezya buumi kuzwa ku busena bumwi. Ikuti na uli, a Munakristo, eci kuba cimvwule, citondezya buyo kuti kuli Buumi oko nkota konzyi kufwa, nkaambo buumi obu bujisi lufu muli mbubo. Mwabona? Pele ncimvwule, nkaambo ula pona, cilenge ceenda a kukonzya kubona, kuyeeya, kweenda, a kwaambaula, a magano osanwe aa mubili. Pele nekuba ulizi, bala, bali muku fwa. Elyo kuli mapenzi loko. Uli zyi, inga caba biyo. . . Ngu citondezyo, mwabona, kuti kuli buumi a lufu kazisangene antoomwe.

²⁰ Eci cakunyama ceelede kufwa. Pele ikuti na ulatondezya, ku buumi bwako bufwika, Mumuni waku Julu, nkokuti utondezya Buumi Butamani, Leza. Mpawo cindi wafwa, yebo uunka buyo ku Mumuni oyo, nkaambo Eco ncencico ncoelede kutondezya.

²¹ Ikuti na uli wa nyika ya mudima, uyo tondezya eco, elyo inga wacita, kutanka nzila imbi pele ku mudima. Mwabona? Aboobo

tuli mu citondezyo. Aboobo, tula bona eco. Elyo masimpe mbuli Muuya Uusalala mbo utondezya Mumuni a Buumi, mbubonya lufu lutondezya mudima.

²² Elyo mpaawa zyoonse mpo zibede. Ijunz- . . . Kusikila ku mamanino amwviki ino, ndiza kusikila Munsondo, tu yooba a cifoto cakakomezegwa ku musela mupati, kutegwa inga cabikwa aa boodi pati lya zyakuzibya.

²³ Oko, cifwanikiso *canu* nko cilengelela kuya aa boodi pati lya zyakuzibya. Ta ndizi na mwa kacibona, na pe. Elyo mpawo . . .

Elyo kutandila mvwiki yainda, mu—mu Jamaica, oko nko Nda kali kucita mulimo wabumissionari . . . Tula tuma ma teepu ku nyika yoonse. Elyo *I Zinamatizyo Zili Ciloba* zya joka mu . . . kuya mulaale mu tusuwa twa Jamaica, mule mu kasuwa. Elyo taku sumpukide loko kule mukati kuya, kunze ya Blue Mountain. Elyo basicisi, zimwi ziindi, ba jisi i—i teepu rekorda njo tuba janina, cakuti weelede ku—ku, mbuli Victrola wakaindi, ku cigaya, a ku—ku cilekela kulila mbuli obo. Mpawo, kwainda maminiti oonse masyoonto, muntu umwi weelede ku cigaya.

²⁴ Eyi nkamu yaka jisi i—i bbatili syoonto, bbatili lya mavooti ali cisambomwe, na cimwi cintu, kali lizya teepu rekorda. Elyo ba—ba kali kkede antomwe, kutandila eco cili kuno sunu masiku, kuswilila ku *Zinamatizyo* ezyo, Nda syoma mbo cakabede. Nkabela kuciindi ni Nda kali kwaambaula, baka bona, kuboola mu kaanda, kwa kaboola oyo nguonya Musumpululu wa Mulilo, wakeenda atala awo akali teepu rekorda a ku kkala aatala lya mpela ya njiyo. Elyo ba kainka kuyoleta kkamera a kkopa cifwanikiso ca Nguwo. Elyo nguonya buyo Walo, Ngooyo we, ka cilengelela nkoonya kuya atala lya ncico. Lino tu cibamba muku komezegwa, kutegwa inga twa cibikka a—a boodi pati lya zyakuzibya kubusena kuya, kuti inga mwa cibona.

²⁵ Tuli lumbide kapati ku luzyalo lwa Leza olo lwanjizigwa muli ndiswe . . . swebo mu Busyu Bwakwe mu buzuba buno. Lino tuli lumbide ku zintu zinji.

²⁶ Lino Ndi yeeya kuti Ndiyo langalanga mukati awa a kubona na inga Nda jana bumwi, bulembo bumwi na bumwi, cintu cimwi cimbi eco nce Nda kakanana. Na, kutu janina musyobo umwi wa i—i . . . Ndi jisi cibalo cimwi cilembedwe aa pepa, akwalo, kunze awa mu bbuku. Ikuti na Nda jana bomwe, ndiza Mwami inga wandipa cintu cimwi cakwaamba aa cintu cimwi, kuciindi no tupaila.

Lino, tuli kungsi kwabulangizi bupati bwa Munsondo.

²⁷ Nda li kwaamba mu Milumbe. Nkabela, Munsondo, ndakamu kkazika kwa ciindi cilamfu, aa, “Nkaambo nzi yebo nco lilila Ndime? Koamba ku bantu elyo koya kumbele.”

²⁸ Lino, Munsondo nkuswangana kwa kuponesegwa oko baciswa nko beelede ku kombelwa. Lino, mwa janika ku baciswa, alimwi kweelede kuba kaambo kamwi cakuti baciswa, cindi twa bakombela, ikuti na tiiba ponesegwa. Elyo Ndi yanda, ikuti na Mwami nawayanda, ku nkambauko buyo imfwafwi Munsondo kuseeni, akwalo. Aboobo, Ndi yooba a kuswangana kwa kuponesegwa, a ku kombela bantu boonse. Nkabela Billy Paul na bamwi babo banooli kuno Munsondo kuseeni, kutandila eiti okuloko, cindi cikombelo cajulwa, kupa bantu makkadi mbuli mbo banjila ku mulyango, na kufumbwa cindi banjila mukati.

²⁹ Elyo lino, mpawo, Ndi yanda kusola, Nda syoma Mwami bumwi wandipa kumvwisya kusyoonto ku twaambo nco kuli bantu bamwi bata ponesegwi. Elyo Nda—Nda syoma nkubula kumvwisya. Elyo Nda—Nda syoma, ndiza, tuyo amba ali eco, Munsondo kuseeni, Mwami nawayanda.

³⁰ Lino, muswaangano wa mipailo Bwatatu masiku nkwa ciindi biyo ca muswaangano musyoonto oko nko tuboola antoomwe a kukomba, mbuli mbo tujisi, a kubelekela antoomwe.

³¹ Ziindi zimwi, Nda—Nda syoma cimwi ca zintu zipati eco nce Ndi jana mu buzuba buno, nkubula kusinizya kuli eco nco tusyoma. Mwabona? Mwabona? Ikuti Leza, mu mazuba aa John Wesley, na kacita mu buzuba obo eco Nca cita sunu, noca kacita nzi; mu mazuba aa Martin Luther, na bamwi bambi? Mbuli mbo tu Mu bona kacita, koonse kutondezegwa ku Mbungano, ku Muuya; a sayansi, a milimo yoonse, tudosi twayo—twayo kweelede kuzibya. Elyo Ijwi Iya Leza ano kali Ci tondezya a ku Iya amba kali tana Ci tika. Elyo mpawo kucinca cilawo, a kusinsima, a kutondezya cintu nciconya Nca kaamba. Ciyo boola kucitika kabotu, mbubonya obo Mbwa kaamba. Nkabela tucikkala mbuli batali bambilide kucita cintu, mbuli kuti twagambwa. “Ee, kuyeeya ikuti na eco inga caamba ndime? Ndayeeya ikuti na caamba buyo i—i mbungano, mu boonse. Na—na, ndayeeya ikuti na Ndili sanganizidwe muli Eci?” Ndiyeeya, Munsondo kuseeni, Ndi yosola kwaamba aa milawo imwi eyo inga yaleta kumunikilwa kuli ndiswe asyoonto.

³² Lino, sunu masiku, Nda jana cintu cimwi, kunyona buyo kuli ncico awa, Nke tana boola kunselelo. Nda yeeya, “Ino kuti Mukwesu Neville, ikuti Nda inka kunselelo kuya, wacitika kwaamba kuti, ‘Nyamuka ukanane,’ a kukkala buyo a cuuno?” Mwabona? Nda yeeya, “Ncibotu ndalemba aa pepa Magwalo amwi masyoonto.” Nkaambo, Ndi lizyi, walo, ngu mukwesu mbotu loko, alimwi tu—tu la mulumba.

³³ Notutana kombela Ijwi, Ndi yanda kutambula i—i mukwesu. Nse konzyi akwalo kwiita zina lyakwe ku ciindi cino, bobile babo. Bali waano, beenzuma bangu. I...Mbakutausi

a bavangeli, mu mulimo, kwiinka ku masena. Ba kamvwa Milumbe eyi kwiinda ku teepu. Elyo bazwa mu mabungano aa tubungwe twandeene, balombwana bakubusyi bobile. Elyo mulombe uli loko, umwi wabo wa kayandisisya loko, mane wakauluka akuseluka aa ndeke, ku Tucson, calino buyo, mukujala kumana kwa muswaangano. Nda syoma Ndali mu Kalimbabula ka Business Men. Elyo mulombwana mukubusyi, mulombwana mukubusyi mubotu, waka boola kunselelo. Elyo ngu. . .

³⁴ Bazwa ku Kansas. Elyo baboola lweendo loonse kuno kuli ndime kuti ndiba kwatanye. Nda lumba kuli eco. Ku yeeya kuti bantu bala syoma mu mipailo yako, kweelede, kusyoma kuti Leza inga wamvwa a kwiingula; bantu bakubusyi kaba talika mu buumi, mbuli boobo. Elyo noba kasika kuno kuli ndime kuti ndiba kwatanye, ijilo, ku jana kuti mulao wa cisi ca Indiana nco uyanda, kuti nokuba kupimwa kwa bulowa bwabo, kulindila kuno mu cisi, mazuba otatwe, kabatana kwatananisigwa. Aboobo, taba konzyi kukwatanisigwa mane Bwasanu kuseeni.

³⁵ Elyo Njo lomba mukwesu kuya ku mamanino, ikuti inga waima ku twaambila na nguni, a mulindu wakwe mubotu kuya, a mukwesu uccilila.

³⁶ [I mukwesu waamba, “Nda lumba, Mukwesu Branham. Ncoolwe kuba kuno. Nkabela Ndime Mukwesu Roger O’Neil, ndikkala mu Kansas, ndeenda mu mulimo, mbuli muvangeli, kulungulula kuti, ‘Jesu ulafutula, ulaponya, kwiinda ku lusyomo muli Jesu. . .? . . .’ Nda kabweza lyoonse. . .? . . . Oyu ngo nda katanga, Patricia Brown. Tuyo kwatana, Bwasanu. Oyu muvangeli—ma wangu mukubeleka a mubelesi—ma, Mukwesu Ronnie Hunt, kuno ku mamanino. Nkabela oyu ngwa katanga, Carol. . .? . . . Alimwi tuli kkomene kuba kuno masiku.”—Mul.]

³⁷ Nda lumba, maningi. Tula lombozya ncobeni ku baiminzi aba bakubusyi, ku mulimo wa Mwami Jesu, zileleko zya Leza, a kubazwidilizya mu lweendo lwabo. Elyo mbuli mbo Ndali kuyeeya, kulindila Kuboola kwa Mwami, a kubona baalumi bakubusyi a banakazi bakubusyi kaba jisi bukanze mu moyo, ku belekela Kristo, eco cila ndibotelezya, mwabona, kubona kaba nyamuka mbuli obu. I Mwami amu longezye, cabuvubi, mukwesu wangu, mucizi.

³⁸ Lino atu jule ku Bbuku lisyonto eelyo Nde ntana kanana ku buleya, mu buumi bwangu. Nkabela ili. . . Capita yomwe biyo, Bbuku lya Filimona. Alimwi lili. . .

³⁹ Ndili muna Irish asyoonto biyo, alimwi Ndi—alimwi Ndi jisi waya ku meno aangunguni, kujatilila ku kubwene kusule mu busena. Nda, Nda, ziindi zimwi ta Ndi konzya kwaamba kabotu mazina aya, kakuli Ndi lizyi mbwabede. Alimwi ziindi zimwi ta Ndi konzyi ku aamba kabotu, nkaambo ka kubula lwiyo.

Aboobo, “Filimona,” muntu umwi waamba kusule kuya, kwalo Ndi yeeya kuti mbwaambe bululeme ncobeni bwa ndilyo.

40 Lino, kampango ka kutaanguna, Ndi yanda kubweza biyo bbala lyomwe na na obilo kuzwa kuli ndilyo.

Paulo, i mwaange wa Jesu Kristo, . . .

41 Elyo nco ncico nce Ndi yanda kubelesya sunu masiku, mbuli cibalo, Mwami nawayanda, kuti: *I Mwaange*.

42 Lino, tokonzyi nokuceya kweezezya Paulo kalyaamba kuti mwaange. I muntu wakazyalwa mu bulubusi, kazwide Muuya Uusalala, pele nekuba kaliita kuti “i mwaange.”

43 Elyo lino tu jana kuti, nali mukulembela ba Korinto, “Paulo, muapostolo wa Jesu Kristo.” Ciindi cimbini, “Paulo, mulanda wa Jesu Kristo ku luyando lwa Leza,” cindi naambaula kuli Timoteo, bamwi bandeene. Lino nalembela Filimona, wa kati, “Paulo, i mwaange wa Jesu Kristo.” “Paulo, muapostolo,” Ndi yanda kuyo kambauka busiku bumwi ali ceeco. “Paulo, i—i mulanda,” ku kambauka ali ceeco. Elyo mpawo, “Paulo, i mwaange.”

44 Pele, sunu masiku, mbokunga ku latola maora mukulanganya kweelede kuli cimwi ca ziiyo, Ndi yanda kubweza, sunu masiku, “Paulo, i mwaange,” a kubweza ciyo ca: *I Mwaange*.

Lino atu kotamike mitwe yesu kwa kaindi kaniini.

45 Mwami Jesu, muntu uli oonse, oyo uukonzya kucita cakunyama, ulakozya kuvununa mapepa aa Bbaibbele eeli, pele Muuya Uusalala buyo ngu konzya ku Li pandulula mu mumuni oyo ngo libambidwe. Twa Mu lombwa kuti aboole lino a tugwasye ku mvwisy eci mbo cakabede, cakalembelwa, oyu musinsimi, mupati wanguzu, Paulo, nkabela kakuli uliita kuti “i mwaange.” Akube kuti Muuya Uusalala uyubunune eci kuli ndiswe mbuli mbotu Mu lindila, mu Zina lya Jesu Kristo. Amen.

46 Lino inga Nda yeeyela, Paulo, nakalemba lugwalo olu kuli Filimona, obo mbwa kakkede mu ntolongo, kunselelo kuya mu ntolongo ya seenengo ya dolopo eeli, i—i—i mwaange. Alimwi wakali kukonzya kuziba kabotu, kwiinda ku busena bwakwe ibbala nco lyakali kwaamba. Wa kazungulikidwe a—a—mingwala. Wa—wa kali kukonzya kwangululwa kuti umwi waka mwangulula. Elyo wa kalizi mbo cakabede kuba mwaange. Elyo mpawo, lwabili, Nda syoma kuti i—i muapostolo wakali kwaamba buyo kusyoonto . . . kutali ku lulemba ncobeni ku bube bwakwe bwakaliko, mbuli kuba mwaange wa buntu bwakwe—bwakwe bwakunyama awa mu ntolongo eyi—eyi. Pele Ndi syoma kuti wakali kwaamba buntu bwakwe—bwakwe, muuya wakwe—wakwe—wakwe, luyando lwakwe, mukuba mwaange kuli Jesu Kristo.

47 Lino, toonse twa kazyalwa, muciiimo cakulisalila kulilemeke, kupanga kufumbwa muzeezo ngu tuyanda. Leza

ulacita obo cakululama. Nkaambo, We elede wabikka muntu oonse aa mbaakani yomwe, kwataba boobo Wa bikka muntu ulubide aa. . . Wa ka bikka muntu mutaanzi aa mbaakani iilubide, oyo Ngwa kabikka mu ciimo cakulisalila kulilemeka. Mwabona? Tuli kozyenye buyo, masiku sunu, mbuli Adamu a Eva. Kwiina lwandaano. Bubotu a bubi buli kkede kumbele lya umwi wesu. Buumi a lufu, inga twa bamba kusala lwesu; cili kuli nduwe, ku kubamba. Mwabona?

⁴⁸ Eyo nje nzila Adamu a Eva njoba kacita, alimwi, mwabona, alimwi—alimwi bakabamba kusala kulubide. Elyo lino, kuli eco, bakabikka mukowa oonse, mukowa wa bantunsi, kubweendelezi bwa lufu, cisubulo ca lufu.

⁴⁹ Elyo mpawo Leza wakaboola ansi muciiimo ca muntu nkabela wakabweza lufu olo, a kubbadelela cisubulo ca lufu, kuti i. . . Bakwe balelwa abo bakayanda kwa—kwa ngununwa kuti bakonzye kwaangululwa.

⁵⁰ Lino, ikuti na Wa katubweza, kakutakwe nzila njiyona eyo Nja kacitila Adamu a Eva, wakatu zwidilizya buyo kwiinda mu cintu cimwi, kati, “Ndi yo mufutula naa mula yanda na pe,” nkokuti Wa bikka Adamu a Eva a—a mbaakani iilubide, nywebo mwabona. Pele umwi aumwi wesu weelede kusala, buzuba buno, aakati ka lufu a buumi. Inga twa cicita.

⁵¹ Mbuli mbo Ndi pandulula buyo, ikuti na mumuni wako uyo tondezya, buumi bwako buyo tondezya bwini oko ku lubazu nkobede. Ta ndikwe makani ku lubazu oko nkoamba kuti nkobede. Eco nco cita, buzuba abuzuba, citondezya nkobede. Mwakamvwa kaambyo kaciindi, “Buumi bwako bulamvika maningi, cakuti Ta konzyi kumvwa bumboni bwako.” Mwabona? Micito yako—yako ila mvwika maningi.

⁵² Nda kasyoma lyoonse mu koongolola a kusotauka. Pele lyoonse Nda amba, “Uta sotoki loko kwiinda mbo pona, nkaambo nyika iyo cilangilila eco.” Nywebo mwabona? We elede kusotauka biyo atala kusika mbuli mbo pona, aboobo, nkaambo muntu umwi ula kulangilila. Elyo lino cindi. . .

⁵³ Bantu taba kabooli ku cikombelo. Balo—balo, bunji bwabo, taba kocicita buyo. Elyo bamwi babo, mukuta boola, mbantu basinizize. Ba kabona bubi bunji mu mbungano, kusikila taba yandi kuba a cintu cimwi cakucita a ncico. Nkabela ziindi zinji, twaambaula ku muzeezo uumaninide wa ceeco, inga tii wabapa butongo, mwabona, nkambo ka—ka nzila bantu mbo balilemeka. Bala liita kuti Mbanakristo. Balo ncilebyo cipati loko eco nyika nco ijisi, ngu mwaalumi a mwanakazi abo bali taminina kuti Mbanakristo, nkabela bapona cintu cimwi candeene kuzwa ku kulitaminina kwabo. Mbo mbubo ncobeni.

⁵⁴ Lino, nkambo kuusansoni kuyo boola ku Lubeta. Lino, sizibi, musambazi wa makoko kunzeaacuulu, sinjuka, simamambi, ta—ta kausinsoni kumvwa kukosolwa kwa kaambo

kakwe kubalwa, “Koya mu mulilo utamani.” Ta kausinsoni. Pele ulya muntu usola kulisisa mwini kunze lya musyobo umwi waku litaminina kwa mbungano, oyo ngo mulombe uyouansoni ku Buzuba bwa Lubeta. Mwabona? Oyo uli taminina kuba Munakristo, a kupona nzila imwi iimbi. Inga cabota kuli nguwe kuti nataka sola akwalo kwaamba kuli taminina kwa musyobo uuli oonse, naka talika, kwiinda kutalika a kupona cintu cimwi candeene. Nkaambo, ngu cilebyo cipati loko nco tujisi, nkwa sikulitaminina oyo waamba kuti ngu—ngu—ngu Munakristo, nkabela upona bwandeene.

⁵⁵ Lyoonse, uta beteki buumi bwako kwiinda ku bunji bwa nguzu nzojisi ku kucita maleele. Nkabela tutali beteki tobeni kwiinda ku bunji bwa luzibo ndo tujisi ilwa Ijwi. Pele lyoonse amulibeteke lwanu, amulange kusule a kulanganya zintu zyoonse ziliko zya misyobo ya micelo eyo buumi mbozona calino eno nco buzyala. Mwabona?

⁵⁶ Mbuli mbo Nda kakambauka ciindi cainda, ku muswaangano wabasimpindu ku Phoenix, Arizona, zya citondezyo ca Jesu, kutondezya Buumi bwa Bunakristo. Nda kati Nda kazyalilwa kuno kutala mu Kentucky, oko kutakwe lusumpuko loko, kapati kaindi ni Nda kali mwana. Elyo oyu mulombe musyoonto taka jisi i—i—i—i ng’anda mbuli mbo tujisi kuno, oko nko twaka jisi balindu banji ibabotu abo beelede kulanga mu cimboni, mu ng’anda moonse, kubamba masusu abo kabotu, a zimwi zimbi. Pele waka jisi biyo cimboni comwe ciniini, cibeela cisyonto ca kaanzikidwe aa cisamu anze, awo akali boodi lyaku sanzizya, awo banyina a bausyi, mpo bakali kusambila a kusakwida masusu abo, a zimwi zimbi, kuzwa ku kabeela aka cimboni cakaindi ka canzikidwe aa cisamu.

⁵⁷ Mukasimpe, oyu ngo musyobo wa muunzi ngo tujisi. Muntu uuli oonse uyanda kubona cimboni, swebo to bana, twali kunga twabweza cibbokesi a boodi lyaku sanzizya, a kulilanga kabeela aka ka—i ka cimboni eco nce Nda kabwezela, lwangu, mu busena busowelwa tombe. Oko tii kwakali kunselelo mu Kentucky. Oko mpaawa mu Indiana, kutala ku Utica Pike kuno.

⁵⁸ Lino, oyu mwana muniini takalina libona ncobeni mwini mbuli obo. Aboobo, waka boola ku dolopo, kuswaya banyinakulu. Elyo ku i...Kuli mu lweendo lwa kaanda, banyinakulu baka jisi ng’anda yaka jisi cimbonimboni cimanimboni aa citendele. Nkabela aboobo, mulombe musyonto, kazuza moonse mu—mu kaanda, wakabona mulombe musyonto umbi kumbele lyakwe. Elyo mulombe musyonto wakali kuzuza, awalo. Aboobo waka yeeya weelede kwiima maminiti masyonto a kubona musankwa musyonto nca kali noocita. Nkabela cindi na kaima, mulombe musyonto wa kaima. Cindi naka nyona mutwe wakwe, mulombe musyonto waka nyona mutwe wakwe. Wa kakwezya mutwe wakwe, mulombe musyonto wa kakwezya wakwe. Kumamanino, wakeenda muni loko, kuti alangelange.

Elyo waka zunguluka. Nkabela banyina bakali kumu langilila, a banyinakulu, a kugambwa. Kati, “Baa, baama, oyo ndime.”

⁵⁹ Aboobo Nda kati, kuti, “Swebo, aswe, tutondezye cintu cimwi.” Mwabona? Buumi bwesu bulatondezegwa.

⁶⁰ Elyo lino, ikuti notwa kaponu mu mazuba akwa Nowa, nku lubazu lwani nko tunga twaba? Ino ndubazu nzi ndo tunga twa kasala mu buzuba obo bupati Nowa mbwa kaponu? Ino ndubazu nzi ndo tunga twa kasala mu mazuba aa Musa? Ino ndubazu nzi ku mazuba aa Eliya, musinsimi, cindi nyika yoonse noya kamenwa mu i—i bunji bwa—bwa bube bupya bubyabi, mbuli Jezebele wasunu, alimwi katanda balanda boonse ba Mwami ku masena mu nzila yanyika? Alimwi mbungano a bapaizi boonse bakali kumu kotamina. Sena noka bweza lubazu lwa mpuwo, na nokaima antoomwe a Eliya?

⁶¹ Lino, mu mazuba aa Mwami Jesu, cindi notunga twa yeeya Muntu oyu wakata jisi aa mpuwo, wakatayiide ku nyika, kwiina zikolo nko bakali kukonzya kusola kujana kuti Wa kainka, alimwi kwiina—kwiina luzibo lwa seminari. Elyo—elyo mpawo kabuka a zina lya “kuzyalwa kwa musokwe.” Alimwi mpawo wakayutuka, ka kambauka Makani mabotu ayo aakaimpene ku cintu cili coonse eco ncoba kayiisigwa. Maningi. . . Elyo katapatila bakutausi a tubunga twabo, a zimwi zimbi.

⁶² Elyo tubunga twa kabambide i—i—i kaambo, “Ikuti na muntu uli oonse wasola kuunka kuyo mvwa oyu uutegwa musinsimi, inga uyo tandwa ku sinagogi,” eco cakali i—i cibi cakuyeeyela. Ba kapeda bwiinguzi. Nzila biyo njo bakali kukonzya kukomba yakali ya kuni kwa bulowa bwa kabelele. Baka boola ku cituuzyo eci. Elyo—elyo mpawo bakali batakate, alimwi ino obo mbo cakali cintu cipati.

⁶³ Elyo Muntu oyu taka bikkila maanu kuli bali obo. Elyo nekuba Wa kali munzila iilondokede ku Lugwalo, pele kutali mu nzila Njo bakazi. Ino niwaka bweza lubazu nzi? Mwabona? Lino, uta. . . Buumi bwako mbo pona lino, bula tondezya eno biya eco ncokali nocita kaindi, nkaambo uci njidwe a muuya nguonya. Mwabona? Ikuti na wabweza lubazu olo lino, kuba ambabo, noka cicita kaindi. Nkaambo, muuya nguonya oyo uli muli ndiswe lino wakali muli bantu kaindi. Mwabona?

⁶⁴ I dyabulosi tatoli muuya wakwe; uzwa biyo ku muntu umwi a kunjila umbi.

⁶⁵ Leza tatoli Muuya Wakwe, awalo pe; Uzwa biyo kuli umwi akuya kuli umbi. Mwabona?

⁶⁶ Aboobo, Muuya nguonya wakali aali Eliya wakaboola kuli Elisha, nguonya Umwi wakali aali Johane Mubapatizi, abamwi bambi.

67 I Muuya Uusalala, wakali aali Kristo, wakaboola aali basikwiya, boonse kuyabuya, alimwi ucili aa bantu. Nywebo mwabona? Leza tatoli Muuya Wakwe.

Eno mpawo twaunka, kubweza kusala.

68 Elyo Ta—Ta ndikonzyi kubona awa Paulo mpakali kuusa ku cintu cili coonse, alimwi kaamba kuteeti wa kausa kuti wakali mwaange. Pele wakali ku lyaamba lwakwe. . . Nda syoma kuti Paulo, mbuli mbakalemba lugwalo olu a peni eyo, kuti wakali Muuya Uusalala wakamucitya kulemba eco. Kuti, ndiza, akwalo ku masiku aya, kuti inga twagwisya ciyo kuzwa ku cibalo, kutondezya Paulo ncaka citila eci. Nkaambo, nca Malembe, alimwi ca Malembe Mbutamani. Nda syoma, kuti, kakkede mu ntolongo eyi yakaindi iijisi kadimadima, cakuti Paulo wakalembela mulongwe wakwe awa, kuti, munyina wakwe, kuti wakali “i mwaange wa Jesu Kristo.” Aboobo, wa kali kukonzya kucitondezya kwiinda mukubona caka muzungulukide. Lino, wa kali mu ntolongo, pele eci tacili ncakali kwaamba, oyu—oyu mulanda wa Kristo, a mukutausi antoomwe a nguwe. Wa kali kwaamba kuti wa kali mwaange ku Ijwi lya Jesu Kristo, nkaambo Kristo ndi Ijwi.

69 Elyo Paulo wakali sicikolo mupati mu buzuba bwakwe. Wa kajisi bukanze bupati. Wa kali—i wa kali i—i—i mwaalumi oyo wakayiisigwa, ku bantu, ku mulombwana uutegwa Gamaliyeli, oyo wakali mwiiyi mupati ku buzuba bwakwe, cimwi ca zikolo zipati maningi oko nkwa keelede kuti wakainka. Kupa mukozyano, mbuli mbo twaamba, Wheaton, na Bob Jones, na cikolo cimwi cipati ca milao. Wa kaiisigwa kuba—kuba—kuba mukutausi wa Ijwi. Nkabela wa kali mulombe mupampu, waka kayiisigwa kabotu, a musongo waka jisi bukanze bulemu antela buzuba bumwi akabe mupaizi na mupaizi mupati ku bantu bakwe.

70 Wa kali a bukanze. Nkabela mpawo waka jana, kuti, obu bukanze bupati mbwa kayiila, alimwi waka belesya buumi bwakwe boonse, ndiza kuzwa ku myaka yakukomena iitandila lusele na kkumi, kusikila ku kutandila ku makumi otatwe na makumi otatwe ayosanwe, cindi nakamana lwiyo nkabela akubweza mapepa; alimwi wakali jisi ama diploma aakwe oonse a zintu zyoonse, alimwi wakaima mu bubotu kuli boonse i—i bupaizi, a kwalo ku mupaizi mupati ku Jerusalemu. Wa kali jisi inguzu kuzwa kuli nguwe, inguzu zimugeme, zilembedwe, a kusyomwa kuli Saulo oyu mupati, “Kwiinka kunselelo ku Damasiko a kuyo jana boonse abo kunselelo kuya bakali kukomba Leza kutali mbwa kaamba, alimwi a kubaanga a kubabika mu ntolongo.” Ikuti na kuleelela, wakali jisi inguzu zya kubajaya, ikuti na wakayanda. Wa kali. . . Wa jisi bukanze bupati.

⁷¹ Elyo eno, koonse oko nkwa kayiila, Leza waka kugwisya koonse kuzwa kuli nguwe. Mwabona? Nkabela kaambo kakwe mboka kabede, a ceeco bawisi nco baka belesezya mali abo, a makanze a bawisi a banyina, oonse akagwisigwa kuli nguwe nkaambo ka kuti—kuti Leza waka jisi cintu cimwi cimbi. Aboobo, wa kali i mwaange kuzwa ku kaambo ka buumi nka kajisi, alimwi wa kaba mwaange kuli Jesu Kristo, Oyo wa kali Ijwi.

⁷² Oyo mugwagwa kuyaku Damasiko waka sandula Paulo. Kayabuya kunselelo, kutandila leveni okuloko, ndiza, i masikati, cakuti wakauminwa aans. Nkabela wa kamvwa Jwi, ka lyaamba, “Saulo, Undi penzenzya nzi?” Nkabela wa kalanga mujulu. Elyo kalangide mujulu, mbwa kali mu Juda, alimwi kaziba kuti oyo Musumpululu wa Mulilo wakali Mwami waka sololela bana ba Israyeli, nkaambo wa kali Uuzi kuti wakalinsi.

⁷³ Amuyeeye, oyu mu Hebrayo nata kaita kufumbwa cintu kuti “Mwami,” kabala kapati ka M-w-a-m-i, Elohimu, cita kuti kakkutula kuti oyo Mbwa kabede, nkaambo wakali sicikolo wakayiide. Elyo cindi na kalanga mujulu, a kubona Oyu, i Mumuni, i Musumpululu wa Mulilo waka sololela bantu bakwe kwiinda mu nkanda, alimwi wa kati, “Mwami,” Elohimu, kabala kapati ka M-w-a- . . . “Mwami, Ino Nduwe ni?”

⁷⁴ Elyo ino cakeelede kuba cigambyo kuli oyu silwiiyo wabukombi, ku kwaamba, “Ndime Jesu,” nguonya Oyo ngwa kali kulwana loko. Ino i—ino nkunyona kwa cibukilambuta! Oh! Oh! Kuleelede kuti cakali cintu cimwi cियोosya ku muntu oyu, cakuti oonse makanze nga ka jisi, kujana kuti, mpoonya buyo, wa kali kupenzya. Makanze a kamu tantamuna ku—ku ya kulaale kuzwa ku cintu cini ncaakali kuyanda kucita. Nkabela kwakali i—i kunyongana kupati kwa mpawo buyo akugambya kwakaliko, ku muapostolo oyu, cindi Na kati, “Ndime Jesu,” nguonya Oyo ngwa kali kupenzya. “Ino Undi penzenzya nzi?”

⁷⁵ Kabalululo kambi kaniini nko tunga twa golokezya awa. Nywebo mwabona, mbuli mboba fubaazyi Mbungano, taba fubaazyi Mbungano mubwini pe, bafubaazyi Jesu. “Ino Undi penzenzya nzi?” Mbobuti Paulo mpawo, a bupampu bwakwe boonse, kusyoma kuti Eci cakali. . .kuti Nkamu eyi nja kali kupenzya wakali ngu Leza nguonya gwa kali kutaminina ku belekela? Ndi yeeya kuti mbo cibede, kutakwe kunjila makani menimeni, Ndi yeeya kuti toonse twa kaiisigwa kabotu kweelede kuziba eco nce Ndi pandulula awa. I cintu nciconya cila citika sunu.

⁷⁶ Paulo, kwiinda mukubula luzibo, nekubakuti wa kali mupampu, a musongo loko kwiinda baabo bana Galilaya bata kayiide abo mba kali kupenzya, abo baka tambwide kale Muntu oyo kuba Mwami mu bubombe bwabo. Pele, Paulo, mu lwiiyo lwakwe lupati a bupampu bwakwe, nata katambula

Eco. Nkabela ino kwakali kunyona mbo kwa keelede kuli nguwe, aa mugwagwa. Alimwi wakaumwa kuba moofu, kutegwa katakonzyi kuzwidilizya kutumwa kwakwe, pele wa kasololelwa kunselelo ku busena mu kagwagwa kategwa Kasuumene, a ku ng'anda ya umwi.

⁷⁷ Elyo mpawo kwa kaboola musinsimi kunselelo kuya, wa zina lya Ananiya, oyo wakabona mu cilengaano, walo kaboola kunselelo, wa kabona awo mpa kabede, wakaselemukila nkwa kabede, elyo wakanjila. Nkabela wa kati, “Mukwesu Saulo, Mwami walibonya kuli nduwe kunselelo lya mugwagwa; wandi tuma, kuti Ndi bikke maanza aangu ali nduwe, nkabela utambule ku kubona kwako a kuzuzigwa a Muuya Uusalala.”

⁷⁸ Mwabona awo mpakabede. Ino i—ino i cakali cintu kuli Paulo! Mwabona? Zyoonse ezyo nzya kayiide kucita zyakacitwa bumbi. Aboobo eno, a—a lwiiyo loonse ndwaa kajisi, lwa—lwa kaba lwabuyo kuli nguwe.

⁷⁹ Lino, wa kalizi kuti waka jisi luzibo. Aboobo nceeci ciiyo cimbi cibotu kuli ndiswe, kuti, luzibo lulikke takuli nce ciimo ciyandika. Lu leelede kuba luzibo lweendelene aa Ijwi lya Mwami. Aboobo, walo kubona eci, a kuziba kuti Ca kali Cintu cimwi cipati, mpawo, kuti muntu umwi umbi waka Ci tambula walo katana, wa katola myaka yotatwe a myeezi ili cisambomwe ku musanza mu—mu lukula lwa Arabia; kubweza i—i Bbaibbele, mbuli Mbo lyakabede kaindi, Cizuminano Cakaindi, a kuunka kunselelo kuya, kuyo—kuyo ezyanisya luzibo olu ndwa kajisi, a kubona ikuti na Lwa kali ilwa Malembe.

⁸⁰ Lino ino kuti na kamba kuti, “Ee, Ndi yeeya kuti kwali kuyabaala biyo kuniini,” a kuzumanana? “Ndiyo tobela bupampu bwangu?”

⁸¹ Lino, wa kaleelede kwaangwa ku cintu cimwi, i mwaange. Aboobo nakamana ku lweezyanisya, a kubona, taci gambyi nca kakonzya kulemba Bbuku lyaba Hebrayo, mu cikozyano. Mwabona? Myaka yotatwe a cisela kunselelo kuya, ka bikkidwe mu Ijwi, a kujana kuti Leza nguonya oyo waka mwiita wakali ku mujosya, a kucinca bupampu bwakwe boonse, kucinca coonse eco nca kasola kuyeeya, a koonse nkwakaiya kuti abe. Bukanze bwakwe boonse, waka bugwisya kuli nguwe, nkabela wakaba i mwaange. I luyandisyo lwa Leza lwakali lubotu loko, a ciyubunuzyo i—i cili boobo, cakuti taka konzya kuzwa kuli Ncico.

⁸² Olu ndo luzibo lwa musyomi oonse wakasimpe oyo uswangana a Leza. Yebo—yebo swangana a Cintu cimwi cipati loko, kuti yebo. . . kuti—kuti yebo ulaba i—i mwaange, ku zintu zyoonse zimbi. Mwabona? Yebo—yebo ulazwa ku zintu zyoonse, ku lyaanga omwini kuli Eci.

⁸³ Caka tondezya cimwi ciindi awo Jesu mpa kati, “I Bwami bwaku Julu ngu cintu cimwi mbuli muntu wakaula ingale.

Mpawo cindi ajana Ngale eyo mpati, ula sambala zyoonse nzya jisi, kuti ajane Eyo.”

⁸⁴ Elyo eyo nje nzila awa. Yebo—yebo ujisi kuyeeya kwa wupampu buyo, yebo ujisi i—i—i luzibo lwa silwiiyo wubukombi; pele caboola kuciindi kuti yebo—yebo—yebo jana Cintu cini ncobeni, yebo—yebo ulaaba zintu zyoonse zimbi, nkabela ula lijalila muli Eci.

⁸⁵ Paulo wa kalizi mbo cakabede. Wa—wa ka jana kuti waka tambisigwa ku Cimwi cintu. Mbuli mbo tubamba i—i—i mbizi ku kutambisigwa, nkuti ku—nkuti ku kwelwe cintu cimwi. Alimwi Paulo wa kalizi, kuzwa ku luzibo olu, a myaka yotatwe a cisela yaku kozyanisya i—i luzibo ndwa kajisi, a Bbaibbele, wa kamvwisya kuti Leza wakali musalide alimwi waka mutambisya ku Muuya Uusalala, ku luzibo ndwa kajisi, ku njizya Makani mabotu mu busyu bwa Bamasi. I Muuya, Mwini, waka mu tambisya.

⁸⁶ Elyo, sunu, mbuli balanda ba Kristo, tula tambisigwa, ku swanganisigwa. Ta tukonzyi kuunka. Tuli jatilidwe muli Ncico, kutambisigwa ku Ijwi. Takukwe makani eco kufumbwa muntu umbi ncaamba, uli tambisidwe kuli Ncico. Kuli cintu cimwi kujatikizya Ncico, cakuti tokonzyi kuzwa biyo kuli Ncico. Uli mu jokwe a Ncico, kwiinda ku Muuya Uusalala, wakubikka mu jokwe lya Ijwi. Takukwe makani kufumbwa muntu uumbi ncaamba, Ndi Ijwi. Oko lyoonse nku tambisigwa kuli Ndilyo, kubikkwa mu jokwe a Ndilyo. Ku Ijwi, kwiinda ku Muuya, wa katambisigwa.

⁸⁷ Wa kali yiide aali i—i kumbo lya lukula lya Arabia kuya. Cindi, zintu zyakwe zyoonse zintu zyakale, a lujano, a bukanze, kuti, wa kagwisya zintu ezyo.

⁸⁸ Lino, awo mpo tujana, sunu, kuti tweelede kunyangwa, kutaanguna. Nkabela bantu tabayandi kunyangwa. Mukwesu wa Methodisti uyanda kujatilila ku lwiiyo lwakwe luniini lwa Methodisti. Uh-huh. Mukwesu wa Baptisti uyanda kujatilila ku lwiiyo lwakwe luniini lwa Baptisti. Mwabona? Pele tweelede kunyangwa zintu zyoonse caku maninina, a kuzyalululwa biyo, munzila mpya. Elyo kotalika kubeleka kuzwa awo, kulekela Muuya Uusalala kusololela. Yebo tokonzyi kwaamba, “Ee, lino, ba—ba taata ba kati, cindi naka njila, wakanjila mu cikombelo, waka sukana mu maanza a mweembeli. Walo, ngu simbungano mubotu uusinizizeye.” Eco antela cakali cibotu ku mukowa wakwe, pele tuli mukowa uumbi. Mwabona? Lino tweelede kujoka ku ziindi zya Bbaibbele ku buzuba bunu.

⁸⁹ I bapaizi baka tambisigwa, abalo. Pele, nywebo mwabona, baka boola kwiindilila mu bubanze bumbi, nkabela ba—ba kakakilwa kunyangwa kutambisigwa kwabo kwa kaindi a kusama kutambisigwa kupya.

90 Elyo cintu nciconya ncotu jana sunu. Twa kaboola kwiinda mu bukkalo bwatubungwe, mbuli mbo twatondezya ku makkalo aa mbungano, i Bbaibbele, a zimwi zimbi, pele twaboola lino ku bukkalo bwa bulubusi, oko Muuya Uusalala Mwini nko uboola ansi a kusimpikizya Mwini, nkabela a kulizyibya Mwini, ulabamba zisyomezyo zyoonse ezyo Nzya kasyomezya, ku citika. Oh, ma! Ino neiindi cipati!

91 Elyo wa kalizi eco, cintu cimbi, wa kalizi kuti taakali kukonzya kuunka ku masena. Kuti, mbuli mbwa ka tambisigwa kuli Eci, kuti ta ka. . . eco nca kacita, pele wa—wa kali kuyanda kuunka. Wa kalizi kuti bukanze bwakwe bwakamuswenzya aali babunyina oko nkwa tambwa kuboola, nkabela nekubakuti wa kasungilizigwa ku Muuya kucita cintu cimwi cimbi. Ta kali lwakwe mwini.

92 Ndiza muntu umwi inga wamba, “Mukwesu Saulo, Mukwesu Paulo, tu yanda kuti uboole kuno, nkaambo tu jisi cikombelo cipati loko. Tu jisi mbunga mpati loko. Milumbo yako inooli milemu, a zimwi zimbi.”

93 Pele muku sungilizigwa mu Muuya, wa kayeeya, “Ndi jisi mukwesu kutala kuya. Ndi yanda kuunka kutala a kuvuna mukwesu oyu, ku muleta ku Mwami.” Pele, nekuba, Muuya waka musungilizya kuya ku busena bumwi bumbi. Wa kali i mwaange. Cabwini.

94 O Leza, tubambe kuba baange mbuli oyo, kuzwa ku bukanze bwakuliyanda kwesu, a kuzwa ku kubeteka kwesu kwini a nzila yesu mbotu ya kuyeeya, kuba mwaange wa Jesu Kristo. Ndi yeeya kuti ako kali kaambo kalemu, kuti, “Ndili i mwaange kuli Jesu Kristo.”

95 Elyo amuyeeye, Ngu Ijwi. Mwabona? Takukwe makani kufumbwa muntu uumbi mbwa yeeya, ndi Ijwi. Mwabona? Ikuti na uli mwaange ku Ijwi, kwiina kabungwe ka konzya ku kuleesya kuzwa kuli Ndilyo. Ndi—ndi Ijwi. Uli buyo. . . Uli mwaange kuli Ndilyo, kwa mana. We elede kucita mbuli mbo Li cita.

96 Lino, takali kukonzya kuunka ku masena amwi ayo nga kali kuyanda, nkaambo (nkaambonzi?) i Muuya waka mukasya. Mula yeeya, ziindi zinji, kuti Paulo wakali kusola kuunka ku busena bumwi, kayeeya, “Nkookuya nko Ndi konzya a muswaanano mupati,” pele i Muuya wakali kunga waka mukasya. Lino, sena eco cilaamba antangalala a kutondezya kuti Paulo wakali mwaange? [Mbunga yaamba, “Ameni.”—Mul.] I mwaange kuli Jesu Kristo, utambide ku Ijwi Lyakwe, kwiinda ku Muuya! Oh! Nda cibotelwa eco. Uh-huh.

97 Wa kali angidwe. Wa kali angidwe ku nketani, a kwiinda ku zyaanzyo zya luyandisyo, kucita luyando lwa Leza, a eco buyo. Wa kali mwaange. Wa kali mu zyaanzyo zya luyandisyo. Wa kali mu jokwe a Kristo. Ta kali kukonzya kuba mu jokwe cintu cimbi.

Wa kali mu jokwe a Nguwe. Elyo oko Musolozzi nkwa kaunka, nko nkuko nkwa kaya. Kutabikkila maanu obo zyoolwe zibotu mbo zyakabede, kuno ku lubazu *olu* na lubazu *olo*, wa kali kweelede kuunka nzila Musolozzi a jokwe nkolya kaya.

⁹⁸ Oh, masiku ano, ikuti swebo, mbuli Branham Tabernacle, twa konzya biyo kuba baange; ku buntu bwesu bwini bwakuliyanda, ku bukanze bwesu bwini, kuti twa kulipa lwesu kumaninina a kuba mu jokwe a Nguwe, takukwe makani bamwi ba nyika mboba yeeya, eco bamwi ba nyika ncobacita. Tuli mu jokwe lya zyaanzyo zya luyandisyo. Tuli baange. “Matende aangu ali mu jokwe loko kuli Kristo, takonzyi kuzyana. Meso angu ali mu jokwe loko kuli Kristo, kusikila Mebo, cindi Nda bona ezyo zya basikuzyana kwacisapi mu kagwagwa, Ci nyona mutwe wangu. Moyo wangu—wangu uli mu jokwe mu luyandisyo kuli Nguwe, kusikila Ta ndikonzyi kuba a luyandisyo lwa nyika eyi, limbi pe. Luyando lwangu luli mu jokwe loko a Nguwe, kusikila ta Ndi zyi eno akwalo makanze angu mbabede. Buyo, ‘Kufumbwa ku busena Nko ndisololela, Njo tobela, Mwami.’ Njo obo mwaange.” Mwabona?

⁹⁹ Paulo wakali i mwaange cabwini. Ta kali kubamba kaambo kali koonse kalubide. Wa kali yisidwe a Muuya Uusalala, lwabili, ku lindila aa Ijwi. Lino, wa kayiisigwa nzila yomwe, pele—pele Leza waka muiisya nzila iimbi eno. Wa kayiisigwa a Muuya Uusalala ku lindila aa Mwami, takukwe makani obo makanze aakwe mbwakabede.

¹⁰⁰ Lino Ndi yanda kucita, ku lugwasyo lwa Muuya Uusalala, ku mutondezya cintu cimwi. Mwabona? Lino atu bweze mukozyano.

¹⁰¹ Bumwi buzuba, Paulo a Sila, kaba selemuka mu kagwagwa mu muunzi umwi oko nkoba kajisi lubukulusyo. Elyo musimbi muniini, wakanjidwe daimona waka zumanana ku mutobela, akulila ka mutobela. Elyo kakwiina kuzumbauzya pele eco kuti Paulo wakali jisi bwami, mbuli muapostolo, kutapatila muuya oyo mubi kuzwa ku mwanakazi oyo. Pele sena mwakabona? Wa kalindila, buzuba a buzuba, kusikila, ndyoonya buyo, Muuya Uusalala wakaamba kuli nguwe, kati, “Eli nde oora.”

¹⁰² Mpawo wa kati, “Yebo o muuya, kozwa muli nguwe.” Mwabona? Wa kalizi kulindila aa Mwami.

¹⁰³ Elyo mpempawo bantu banji sunu nco baleta sampu ku Ijwi. Bala inka ku masena a bukanze. Luli longaye lubukulusyo lwaka siigwa kumaninina nkaambo ka cintu mbuli eco, nkaambo muvangeli talindili kubona eco Mwami ncaelede kwaamba! Bamwi babo balati, “Boola kutala kuno,” alimwi ba—ba lainka mponya lino nkaambo i—i nkamu yaamba, “Koya.” Elyo Muuya Uusalala inga wamba cintu cimwi caandene. Nekubaboobo, bukanze bwa muntu kuti abe mwaalu uulanga cisi, na—na cintu cimwi cimbi, na mwaalu umwi, na bishop umwi, na cintu cimwi

inga camukwela, “We elede kuunka.” Elyo, kakuli, ulizi kabotu. I Muuya Uusalala kauti, “Koya *awa*.” Mwabona? Uli mu jokwe ku kabunga kakwe. Ngu mwaange ku kabunga.

¹⁰⁴ Pele ikuti na uli mu jokwe a Kristo, ula sololelwa a Muuya Uusalala. Walo . . . ? . . . Mwabona? Walo, uli mu jokwe, i mwaange. Tacibambi lwandaano luli loonse eco kufumbwa cintu cimbi nco caamba; nci—nci i—nci i—i mulangu uulila a cizyano cicokola. Umvwa biyo Jwi Iya Leza, alimwi waamba biyo cindi Lya zwa. Taambi cintu cimbi.

¹⁰⁵ Muntu umwi waamba, “Oh, oh, Mukwesu Jones!” Mukwesu Roberts, na bamwi, bamaalumi aba balemu mu cisi cesu sunu, mbuli Tommy Hicks, na—na—na Oral Roberts, na—na Mukwesu Tommy Osborn, bamwi abo bavangeli balemu. Ikuti na muntu umwi waamba, “Yawe, koboola kutala kuno, Tommy. Uli muntu wa Leza mulemu.” (Na Oral.) “Alimwi Ndi—Ndi jisi i—i siminzyaangu uulede awa, oyo—oyo waangidwe koonse. Nkabela uli—uli cisidwe. Ndi yanda kuti uboole kuya. Nda syoma ulaa nguzu zyaku muponya.” Mwabona?

Elyo ndiza Muuya Uusalala inga waamba kuli nguwe, “Kutali eno.”

¹⁰⁶ Pele, nekuba, ku bulongwe bwa muntu oyo, walo ulelede kuti aunke a nguwe. Ikuti na taainka, waba sinkondonyina ku muntu oyo. Oyo muntu wati, “Ee, wa kainka kuli *niini-a-niini*, kuponya mwana na mulombe oyo. Ndi lizyi wakacita. Elyo Nda li mweezinyina, kwa myaka, mwabona, nkabela taka konzya kuboola ku busena bwangu.”

¹⁰⁷ Pele ikuti na wasungilizigwa ku Muuya Uusalala ku taunka, ncibotu a tainki, ikuti na kali mu jokwe a Leza. Mweenzinyina wakwe, ngwa yanda. Pele ncibotu kweendelezegwa a Muuya Uusalala kuunka kuya, nkaambo taci kagwasyi nokuceya, akwalo. Ndi la citikilwa eco ziindi zinji loko.

¹⁰⁸ Pele Paulo waka lindila buyo Muuya kuti umwaambile cakucita. “Lindila ku Muuya,” kaamba. Wa kaima masiku amwi, kakambauka. Nkabela wa keenda kuzwa awo. Wa kabona muntu mulema. Nkabela mpoonya buyo, Muuya wakati kuli nguwe, alimwi wa kati, “Nda bona . . .” Mbuti? I nzila njiyonya nja kaziba kuti kuyooba kunyonyooka, aa kasuwa. Mwabona? “Nda bona kuti ulaa lusyomo lwa kuponesegwa. Koima aa matende ako. Jesu Kristo waku bamba kuba kabotu.” Mwabona? Nceeco we. Wa—wa kali . . . Wa kali mu jokwe. Antela inga nakaba a lubukulusyo lwa mvwiki yoonse kuya nkabela kwiina cintu cakacitika, pele nekuba wa kalindila Muuya Uusalala kuti waambe. Mwabona? Wa kali mu jokwe ku muzezo oyo.

¹⁰⁹ Lino yebo wati, “Mukwesu Branham, utapatila eco nco kaamba Munsondo, zya nduwe kulindila ciindi eci coonse.”

¹¹⁰ Elyo, pele, mula yeeya, wa kali Muuya Uusalala wakaamba kuli ndime kutala kuya ku mugwagwa, a kwaamba, “Ndi

kutuma kujoka kuyooaba aakati ka baciswa a bapengede.” Mwabona? Nku swiilila ku Muuya Uusalala. Masimpe. Tii ndakaunka kusikila Wa kandaambila kucicita. Nda kali kulindila MBUBOBU MBWAAMBA I MWAMI, kusikila Nda jana MBUBOBU MBWAAMBA I MWAMI. Lino, olo ndo lwandaano. Mwabona? Lino, Calo, Ci bamba lwandaano. Iiyi.

¹¹¹ Wa kalindila Ijwi lya Mwami. Wa kasungilizigwa ku Muuya, kucita buyo eco Leza nca kamulailila, mpawo wa kaba i mwaange wa Jesu Kristo. Beenzuma, ikuti na twa konzya biyo kuba baange!

¹¹² Ndi lizyi kulapya. Pele Ndi—Ndi yanda kwaamba basyakacite bambi basyoonto, ikuti na inga mwayanda. Ndi jisi batandila ku cisambomwe na lusele balembedwe aa pepa awa. Pele Ndi—Ndi yanda kwiita zina lya uumbi buyo syakacite na bobile.

¹¹³ Atu bweze syakacite Musa. Wa kazyalwa kali muvuni. Elyo wa—wa—wa kalizyi eco, kuti wa kazyalwa kali muvuni.

¹¹⁴ Pele ka Ndi tana kwaamba zya Musa, Ndi yanda kwaamba kaambo aaka, kuti, Leza lyoonse weelede kubweza kufumbwa muntu, oyo uyo Mu belekela cakasimpe, kuba mwaange Wakwe. I muntu weelede kuleka bukanze boonse mbwa jisi, bube boonse obo mbwabede, zintu zyoonse—zyoonse, buumi bwakwe, buntu, mubili, luyando, makanze, a zintu zyoonse zimbi, a kuba i mwaange, umaninide kuli Kristo, Oyo uuli ndi Ijwi, ku belekela Leza.

¹¹⁵ Antela inga weenda kwiimpene ku kubeteka kwako kubotu. Ndiza, mu kabunga kamwi, antela inga wayeeya kuti inga baku sumpula aku kupa cintu cimwi cipati, kutegwa utondezye kunji. Pele uli jana munzi? Uli jana wazundwa, kwainda ciindi, kusikila Leza wakonzya kujana muntu oyo ulibambilide kuba i mwaange kuli Nguwe.

¹¹⁶ Leza uyandaula baange. Ula cicita lyoonse. Inga mwa cilingula mu Malembe. I muntu weelede kuba i mwaange kuli Kristo, kulwana cintu cili coonse. Nkabela, tokonzyi kuswangana a cintu cili coonse pele Kristo; nokuba bauso, banyoko, munyoko, mucizi wako, mulumi wako, mukaintu wako, kufumbwa muntu. Uswaangene biyo kuli Kristo, alimwi Alikke buyo, mpawo Leza inga wakubelesya. Kwataba obo, yebo tokonzyi.

¹¹⁷ Kuunka ku masena, ziindi zimwi kwaambaula caku nyonganya ku bantu. Mwabona? Ndi—Ndi sola ku mwaangulula. We elede kuba a busena bwaku talikila, mbuli ciindi cimwi kulaita kuti banakazi bagela masusu abo a kusama zisani ezyo, a kujatilila a kukakatila ku lutaminino lwabo lwa Bunakristo. Kwaamba, “Eci ncintu ciinini.” Ee, weelede kutalikila a busena bumwi. Aboobo talika mpoonya awo, a ma ABC ako. Mwabona? Nkabela kukosola buboneki bwanyika, kuli koonse, a kuba i

mwaange kuli Kristo. Elyo mpawo kozumanana buyo, kukosola zintu zyoonse, kusikila kumamanino muncali wa mamanino wa kosolwa. Mpawo uli—uli. . . Yebo uli mwaange mpawo. Yebo waba mu kusimpwa Kwakwe. Walo, Wa kubikka mu kusimpwa Kwakwe.

¹¹⁸ Lino, Musa wakalizi kuti wakazyalwa muvuni. Wa kalizi obo. Nkabela mwakabona na, ku bukanze Musa mbwa kajisi; mukuziba banyina bakali ku mwaambila kuya, nkambo mbakali mukaintu sikulela bana bakwe.

¹¹⁹ Kwiina kuzumbauzya, cindi Musa muvwanda munini nakazyalwa, kuti banyina bakati, “Yebo ulizi, Musa, cindi. . . Bauso, Amramu, a Mebo twaka komba cakuzumanana. Twa kalizi, a kubona mu Ijwi, cakali ciindi cakuboola kwa muvuni. Elyo twaka komba, ‘Mwami Leza, tu yanda kubona oyo muvuni.’ Busiku bumwi, Mwami waka twaambila, mu cilengaano, kuti uyozyalwa, a kuti uyooba muvuni. Tii twaka yoowa mulawo wa mwaami. Tii twaka bikkila maanu eco mwaami nca kaamba. Mpawo, twa kaziba kuti yebo wakazyalwa koli muvuni. Lino, Musa, twa kalizi kuti tii twakali kukonzya kukukomezya kabotu.”

¹²⁰ Lino amuyeeye, bakali ku musanza kuya, myaka iili myaanda yone mu Egepita. Mwabona?

¹²¹ “Elyo twa—twa kali kuyanda ku kujanina i—i cintu cibotu, lwiyo lweelede, kwiiya kweelede. Aboobo, Nda kakubweza a kukubikka mu kaato kaniini, a ku kubika mu Nile. Elyo mbo cakali ceenzu, cakuti kukunka kwa meenda akatola kaato ako kaniini kwiinda moonse mu matete a kuwalauka kupati, a ku kaleta nkoonya kunselelo, kulaale kwa mamaile, a ku kanyonena nkoonya mu ng’anda ya Farao, oko wakwe. . . mwana musimbi wa Farao, oko kwakali ciziba cakusambila kwakwe. Elyo obo cakuti—cakuti Nda kalizi kuteeti inga uyo yanda mwanakazi waku kukomezya.”

¹²² Elyo ku mazuba ayo, mubwini, teeba kajisi mabbodela akukomezezya bavwanda, aboobo nakali kkweelede kuba i—i mubelesi uunyonsya muvwanda waumwi. Aboobo. . .

¹²³ “Elyo, Miriamu, Nda mutuma kunselelo kuya. Elyo wakaima kuya, alimwi wa kati, ‘Ndi lizi nko Ndi konzya kujana mubelesi uunyonsya muvwanda waumbi,’ a kuboola kundi bweza. Elyo, Musa, milyango yoonse iili jalidwe. Oyandwa, ula myaka iili kkumi acisambomwe lino, nkabela uyooba mwana a Farao mulombe. Elyo bumwi buzuba uyoba muvuni uyo gwisya bantu kuzwa kuno.”

¹²⁴ Makanze aa Musa akatalika kukomena. “Ndiyo iiya, baama. Ndiyo iiya zintu zyoonse nze Ndi konzya. Nywebo mulizi nco Ndiyo cita na? Ndiyo iiya kuba silumamba, elyo Ndiyo ziba nzila kugwisya bantu aba kuzwa kuno. Ndiyo oba mulinguzi waboonse, bishopo mupati, aboobo Ndi lizi nzila mbo cicitwa.

Elyo Ndiyo—Ndiyo cigwisya. Ndiyo jana Ph.D na LL yangu. Ndiyo cicita.”

¹²⁵ Mbuli, “Taata Chiniquy,” ikuti na mwaka sola kubala ma bbuku aakwe. Ncibotu. Walo uyo “inka ku kuvuna boonse ba Protestanti,” nywebo mulizi, nkabela wakaba umwi, mwini. Aboobo, mupaizi oyu mupati, myaka yainda, “Taata Chiniquy,” mweelede kujana bbuku lyakwe a kulibala. Ba mwiita kuti “taata.” Ngu Mukwesu Chiniquy biyo, mbwa kabede. Ta twiiti muntu kuti “taata,” mbuli obo. Aboobo tujana kuti—kuti twa . . . Wa kali kuyanda kubala Bbaibbele, kutegwa kakonzya kuya kubusena buya a kutondezya bukombi bwa ba Protestanti kuti mbwa bubeji a kupanga boonse kuba bwa Katolika. Elyo cindi nakainka kubala Bbaibbele, Muuya Uusalala wakaboola ali nguwe, elyo mpawo waka tambula Muuya Uusalala, elyo mpawo—mpawo wa kaba umwi wabo.

¹²⁶ Aboobo mpawo amubone eci, kuti Musa wakajana kwiiya koonse. Nkaambo, wa—wa kalizi. Wa kali musongo loko, kayiide loko, sibupampu loko! Kusikila, kwakanyina muntu . . . Wa kali kukonzya kuyiisya ba Egepita. Kusikila, wa kali kukonzya kuyiisya basilisi babo bazya kulilemeka kwa mizeezo. Wa kali kukonzya kuyiisya balinguzi ba boonse babo—babo obo busilumamba bwa nguzu mbo bwakabede. Wa kali muntu mupati. Elyo bantu bakayoowa Musa, nkaambo ka bupati bwakwe. Oh, busicikolo buli boobo! Ma! Wa kali archibishopo, na mbuli pope. Wa kali mulombwana mupati. Alimwi wa kali i—i—i muntu singuzu. Nkabela wa kalizi kuti wakazyalilwa kucita eci, nkabela wa kaiiya, a bukanze bupati, ku cicita eci.

¹²⁷ Mbuli buyo sunu. Ta ndaambi kuti baalumi abo, baiya mu zikolo ezi, Ta ndaambi eco . . . Mbuli mbobali kubusena kuno Kumbo lino, bayo yaka cikolo caku yiila zyabukombi citola madollar aama milioni ali mwaanda amakumi osanwe, mwabona, Pentekoste, cikolo citola i—i madollar aama milioni ali mwaanda amakumi osanwe. Kuli ndime, ayo eeledede kuba aa mamissionari mu mulimo. Mwabona? Mwabona? Mwabona? Pele, cili coonse, bacita nzi cindi bazwa kokuno? Ino mbani? Nkamu yaba Ricky. Mbombubo ncobeni. Elyo mpawo eyo nje nzila mbo basanduka kuba. Ca kacita lyoonse, bamwi babo, alimwi oyo ngu mukondo nguonya. Mwabona?

¹²⁸ Lino tu jana, kuti, cindi, Musa, mu kwiiya kwakwe koonse, a sunu, a kwiiya koonse, kubamba ba bishopo bapati a bamwi bambi, bukanze, bupati bwaatala, tu yocita nzi? Makanze esu aba buyo kutandila mbuli Musa mbwa kabede. Mwabona?

¹²⁹ Leza, Ka tana bikka muntu mu janza Lyakwe, Wa kanyangwa bukanze bwakwe. Wa kanyangwa lwiiyo lwakwe loonse.

¹³⁰ Wa kainka kubusena, elyo wa kavuna; wa kajaya muna Egepita omwe. Elyo walo, alimwi cindi nakacita, wa kajana kuti

wakali mu bulubizi. Ta kakonzya kucita eco. Tee yakali nzila eyo. Elyo Leza wakamu tola mu nkanda, mu lukula, busena bwa lukula.

¹³¹ Nywebo mwa bona, kubaanga nceenzu, nzila balombwana aba, abo Leza mba kabambila mulumbe. Ula batola mu lukula.

¹³² Wa katola Paulo mu lukula, kuyo muyiisya, ku mwaambila cilengaano eci coonse cipati mbo cakabede, ku busena mu lukula. “Koya mu lukula lumwi kumwi.” Nkabela wa kakkala kuya kusikila Leza wakayubununa cakumaninina eco cakucita.

¹³³ Elyo ciindi ca Musa, Wa kamutola mu lukula. Kamubamba kubusena kuya kwa myaka ili makumi one, aku munyanga lwiiyo lwakwe loonse lwa zيابukombi a bukanze bwakwe boonse. Oh, ino nciindi, cakuti wa kali kukonzya kulanga munsu a kubona kukakilwa kwakwe. Elyo obo swebo, masiku ano, tweelede kucita cintu nciconya, cindi twa bona bukanze bwesu.

¹³⁴ Amulange ku miswaangano mipati ya kuponesegwa, a kubona na Mwami wacita cintu cimwi myaka misyoonto yainda, kutalika kuboozya kuponesegwa kuli baciswa, a zimwi zimbi.

¹³⁵ Bantu boonse, tubunga toonse, nkaambo tii Ca kaboola mu kabunga kabo, baka cita kuba janina sikuponya. Elyo twa cita nzi? Atu cilange ciindi buyo cisyoono. Twa cita cintu nciconya cintu Musa nea kacita. Twa inka ku masena a kusola canguzu kupanga musyobo umwi wa maleele. “Nda nunkizya bulwazi. Ndi—Ndi—Ndi jisi bulowa mu janza lyangu,” a kupanga maleele. Mwabona? Nkabela tu jisi nzi? Bamwi baalumi mu bube buyumu loko, abo banyongene a bakaba basimakoko ba lyoonse, basikunyongana nsinga zyakuyeeya, a kujata mizeezo yabo. Elyo baka cinca zyoonse kumaninina, kulaililwa kuzwa ku bukanze bwa pentekoste, ku joka ku kubamba tubunga a zintu ciindi cimbi. Mwabona?

¹³⁶ Twa cita nzi? Twajaya kutandila omwe muna Egepita. Mbo mbubo. Elyo twa soleka. Twa pengana. Twa sweekelwa. Twa beleka, kwiinka masiku oonse mu miswaangano ya mipailo, kusikila majwi esu ainka. Elyo—elyo kusola kupanga cintu cimwi, a kubotya loko cintu cimwi, a misyobo eyi yoonse ya zintu, nkabela kujanika kuba basikukacilwa kumaninina. Tuya ndikana kuba a kujoka ku lukula. Ncibotu. Iiyi, munene. Zintu zibotelezya maningi a zyakulwanina. Ino kuleka biyo? Obo mbo tweelede kucita, mwabona, ku joka a kuleka. Baa, twa cita cintu nciconya, cintu nciconya Musa nea kacita. Ta cigwasyi kuli koonse. Kwiinde myaka iili makumi one, wa kali jana kali mwaange wa Ijwi lya Leza. Tusola ku cita nzi?

¹³⁷ Kakuli, Zileleko zipati zyakazwa, a ku yubunuka kwa zintu ezi zyoonse ezyo Leza nzya ka twaambila: obo cakuti mbo tweelede kuzyalululwa; a obo mbo tweelede kutambula Muuya Uusalala; lubapatizyo mu Zina lya Jesu Kristo; a zintu ezi zyoonse awa.

¹³⁸ Nywebo mwabona, bantu, mu busena bwa kukkala a Ijwi eelyo, kutambisigwa kuli Ndilyo, ino bacita nzi? Ba katalika a lwiiyo lwabo beni lwabukombi ilwatubungwe, luli lwa kakilidwe kale, a kusola kupanga cintu cimwi ciboneka mbuli Bwini.

¹³⁹ Ncibotu ndikosole mpoonya awa. Mwabona? Ndili masimpe muli basongo kweelede kuziba eco nce Ndi pandulula. Mwabona? Pele, baa, amulange nco cacita. Amu ciyeeye.

¹⁴⁰ Tu jisi nzi, masiku ano? pele i—i—i cisi cizwide bantu ba tubunga abo bakaka Malembe a Leza; abo banga baita i—i—i Buumi bwa Muuya Uusalala, kuti, “Bwa kali i—i kukwabana mizeezo,” abo banga bakaka eco kunjila mu cikombelo cabo. Nkabela banga tiiba kuzumizya kwaamba Ijwi lyomwe lya lunyungu lwa nzoka, bukwabilizi Butamani, a zintu ezyo Muuya Uusalala ncowa yubununa a kutondezya kuba Ijwi. Nda kabamba kuzundikizya a kuzundikizya, ku boola a kutondezya kuli ndime kuti cili lubide.

¹⁴¹ Ba jisi nzi? I cintu nciconya eco Luther nca kajisi, bamwi babo, mwabona, bajaya muna Egepita. Ncinzi ceelede. . . Cakali nzi? Ndiza wakabamba muntu umwi katalika. . . kuleka kubba, na ndiza kupona cakululama ku mukaintu wakwe. Pele waka mupanga kuba nzi kuzwa kuli eco? Umwi simbungano. “Boola usangane nkamu yesu.” Mwabona?

¹⁴² Oyo muntu mufu uununka wakali cintu buyo nkwa kali kukonzya kutondeka a tunwe twakwe, ku kuzwidilila kwakwe, kwa myaka iili makumi one ya kwiiya; muna Egepita uununka kalede awo, kaboleda a ufwide.

¹⁴³ Eco citandila nzila mbo cibede sunu masiku. I cintu buyo nco tukonzya kutondeka, lubukulusyo olo lwatalika kujata bantu banji (lu tegwa), ni nkamu iinunka ya basimbungano abo batazi buyo Leza kwiinda mu Hottentot mbwanga waziba busiku bwa Egepita. Ncibotu. Kutu, inga wabaambila makani aa Ijwi lya Leza, ba laamba, “Ta ndisyomi Eco.” Kwaamba, “Ta ndikwe makani kuli eco ncoamba, Ta ndi Ci syomi.” Mwabona? Mwabona? Eco ncintu cibyaabi caku tondeka musule, ku kupengana koonse a kubeleka canguzu a zintu zyoonse nzo tujisi.

¹⁴⁴ Ndiza inga twa tondeka ku cikolo cipati, pele ci lifwide. Inga twa tondeka ku kabunga, pele ka lifwide. Ka lanunka. Kali mbuli buyo cintu citaanzi nco twakagusya. “Mbuli ngulube kayuunka ku ntimba yayo, a mubwa ku malusi aakwe,” cindi twa joka. Umwi muna Egepita uufwide.

¹⁴⁵ Kwiina kuzumbauzya pele muntu umwi wa kati, “Musa, ee, sa toci jisi luyando limbi ku bantu? Yebo wakaitwa kucita eci.” Muntu umwi wakazi Musa, a wakalizyi kuti wakaitilwa kucita eco. “Nkabela uta. . . Yebo wakaswekelwa luyando ku bantu?”

“Pepe, munene.”

146 “Ee, nkaambo nzi nco taunka ku busena, kuya, ku kucita *eci*? Alimwi nkaambonzi toinki kubusena awa, kusola *eci*? Alimwi nkaambonzi tozumanani a bamwi babo?”

147 Musa wakali kubusena kuya kanyangwa, kusikila waba a luzibo ku citewo ciyaka, ca katondezya Ijwi. “NDIME Leza wa Abrahamu, Izaka, a Jakobo. Nkabela Nda yeeya cisyomezyo Cangu. Elyo Nda boola aansi ku zoobavuna. Nda kutuma kuyo cicita.” Mbo cakabede.

148 Wa kabona Ijwi, kutali bukanze bwa bantu na kuyanda kwa bantu. Mpawo wakaba nzi? Ta kacili kuyanda kulangana a bana Egepita limbi. Ta kacili kuyanda kulangana a cintu eci limbi. Pele wa kaba i mwaange. Ameni. Myaka ili makumi one ya kubeleka canguzu, kunyangwa kumaninide, pele wa kaba i mwaange, ku citewo ciyaka, Musa singuzu a bupampu bwakwe boonse. I Bbaibbele kalyamba kuti Musa wakali muntu singuzu mu ijwi na ncito, kunselelo mu Egepita.

149 Pele amulanga silwiiyo singuzu wabukombi mbwa kacita mu Busyu bwa citewo ciyaka. Wa kalyambilila buyo kukakilwa kwakwe. Cindi na kabona kaambo keni ka Leza, wa kalyambilila kuti takali kukonzya ku cicita. Kakuli, wa kayiisigwa mu lwiiyo loonse lwabukombi ndo baka konzya ku mupa, ka yiisigwa mu cikolo cabo ciinda kubota. Pele, nekuba, ncinzi nca kali kukonzya kucita...oyo Musumpululuu wa Mulilo wakali kulengelela kuya mu citewo? Kati, “Ta ndikonzyi akwalo kwaambaula kuli Nguwe. Mwami, ino Ndime ni, kuteeti Nde elede kuunka?” Mwabona?

150 “Samununa mabbusu ako, Musa. Ndi yanda kwaambaula kuli ndiwe. Koli samununa, aalo mabbusu ako. Uli—uli eeni aa nyika lwabili. Ndi yanda kwaambaula kuli nduwe.”

151 Taka kakonzya akwalo kwaambaula. Kumamanino, i mwaange waka salidwe, musinsimi waka salidwe, mbubonya mbuli Paulo oyo mbwaka salwa. Musa wakali salidwe, muvuni. Elyo mpawo, kumamanino, Leza waka jisi mulelwa Wakwe waka salidwe kali mwaange kuli Nguwe. Oh, aleluya! Wa kali kukonzya buyo kweenda mbuli Ijwi lya Leza lya kamwenzya. “Nguni ngo Ndi yoamba kuti wandituma?”

“NDIME.”

“Mbobuti mbo Ndi yocita?”

“Njo oba a nduwe.”

152 “Iyi, Mwami, mbuli buyo Mbo waamba. Mpaawa Mpendi.” Oh, ma! Nkokuti, i mwaange.

153 Wa inka kwiimpana ku kuyeeya kwakwe kubotu. Lino, wa kayiisigwa kulailila impi. “Mapanga, mujulu! Kutandila-kubusyu!” Kayiisigwa mbo kucitwa, “Inkalaki, zyoonse mu ncililano! Masumo, kumbele! Amuyase!” Obo mbwa tii kaendelezye. Oko kwakali kwiiya kwakwe.

Pele wa kati, “Ino Ndiyo belesya nzi?”

Kati, “Ncinzi nco jisi mu janza lyako?”

¹⁵⁴ “I kasako.” Leza ulacita zintu zitakwe bumvwisye loko ziindi zimwi, ku mizeezo ya muntunsi. Mwabona? Ujisi kasako mu janza lyakwe. Malezu kalengelela ansi. Myaka iili makumi aali lusele yakukomena. Mukaintu wakwe katantide kambongolo; mwana kakkede aa kasolo. Maboko, aakwe aantuli yanyama iilengelela yakaindi kalengelela ansi; i kasako. Mutwe wakwe ulike ngu nongomene, nkambo wakajisi MBUBOUBU MBWAAMBWA I MWAMI. Nkaambonzi? Wa ka bombomana ku mamanino.

¹⁵⁵ Wa kali i mwaange. “Ndiyo yeenda biyo cindi Ijwi lyandeenzya. Ndiyo ambaula biyoawo Ijwi mpo lyambaula.”

“Uunka kuli?”

¹⁵⁶ “Ndi jisi kutumwa komwe: kaime kumbele lya Farao a kumutondezya, kwiinda ku kasako, kuti Leza wandituma.”
Ameni.

“Uyo cita nzi kuzwa awo?”

“Walo uyokupa cintu citobela, Nda kumana kucita eci.”

¹⁵⁷ Nceeco we. Ujisi biyo cintu comwe luzutu ca kucita, ntaamo ntaanzi, sunu masiku: kolipa, koba i mwaange. Uta liyeyi lwako na cintu cimwi cimbi. Koba i mwaange.

¹⁵⁸ Musa wakaba i mwaange, wakalyambilila kuti takali kukonzya akwalo kwaambaula. Kumamanino, cindi Leza nakamu bikka mu janza Lyakwe, oko nkwakali kukonzya buyo kweenda oko Leza nkwa mweenzya. Oko, Wa kamwambila Ijwi. Wa kalizi kuti lyakali Ijwi, mpawo wakalipa mwini ku Ijwi. Nkabela a Muuya Uusalala kuya, Leza, waka tambisya Musa ku luyando lwa Leza.

¹⁵⁹ Eci nce cintu nciconya Nca akacita kuli Paulo. Mbombubo na? [Mbunga yaamba, “Ameni.”—Mul.] Wa katambisya Paulo; mu Juda, wa mpemo iigomene, yabuseke bwa masenedela, oh, kajisi ma Ph.D. a LL.D. kaalembwedwe oonse aali nguwe. Pele Wa kati, “Ndiyo mutondezya obo mbwayo penzegwa nkambo ka Ijwi.” Mwabona? Elyo wa . . .

¹⁶⁰ Elyo mpawo Paulo kakkede awo a kubona Ijwi, a kubona kuti wakali Jesu, mpawo wa kanyamuna maanza aakwe a kuba uutambide kuli Nguwe. I luyandisyo lwa Leza lwaka mutambisya ku Ijwi. “Uyo bweza Zina Lyangu kunembo lya Bamasi.” Ngooyo wa kaunka.

¹⁶¹ “Musa, NDIME Leza wa mauso. NDIME Leza wa Abrahamu, Izaka, a Jakobo. Nda yeeya Nda kaba syomezya, nkabela ciindi ca cisyomezyo cili afwaafwi. Elyo Nda bona kupenga kwa bantu Bangu. Nda yeeya cisyomezyo Cangu. Elyo Nda boola aansi kuzomu tambisya. Yebo ulizi Ijwi nco lya kaamba.

Nda kutambisya kuti uunke kuselelo kuya, watambisigwa ku nguzu, kuunika kuselelo kuya a kuvuna bantu Bangu. Elyo bweza kasako mu janza lyako, mbuli bumboni, 'nkaambo wabona maleele kaacitwa kuli nkako." Mbuli buyo Davida, kajisi nkwilipo. Mwabona?

¹⁶² Kutambisigwa, mwini, nkabela wa kainka kuselelo. Kumamanino, Leza waka jisi muntu wakalibombya kuli Nguwe, wakatambisigwa kuli Nguwe, nkabela taakali kukonzya kweenda mane Ijwi Iya Leza lyaka mweenzya. Ikuti na bantu bacita buyo obo, sunu! Mpawo, wa kali mwaange Wakwe, i mwaange wa luyandisyo, kali mu jokwe mu caanzyo ca luyandisyo, a—a Leza, mbuli Paulo mbwakali mu jokwe mu caanzyo ca luyandisyo Iwa Leza.

¹⁶³ Mbuli buyo Paulo, boonse bayisigwa nzila yomwe. Musa wakayiiya, nywebo mulizi, kuvuna bana ba Israyeli kwiinda ku nguzu zya impi. Paulo wakaiya kuti akabagwisye ku maanza aba Roma a kubaangulula, ku lumamba lwakwe lupati lwabupaizi mu nyika ku buzuba obo. Zikolo zipati zya kuyiila, waka komezegwa ku bweendelezi bwa Gamaliyeli.

¹⁶⁴ Elyo boonse babo bakainka mu lukula; baka joka kabali bantu bakacinca. Boonse bakabona Musumpululu wa Mulilo. Alimwi boonse bakali basinsimi. Mbombubo na? [Mbunga yaamba, "Ameni."—Mul.] Boonse lwabo, basinsimi. Alimwi boonse bakabandikilwa aa Musumpululu wa Mulilo, mbombubo ncobeni, kuboolela muvuni. Mbaabo mbo bakabede; bakainka mu lukula. Bakasiya maanda abo a kuya ku lukula, ku yooziba. Bakasiya bantu babo a zintu zyoonse, kuyo ziba luyando Iwa Leza. Mwabona?

¹⁶⁵ Ba kaiisigwa mu nzila yomwe; Leza waka bacinca kuba bambi. Elyo ba keelede kuba baange bamaninide, kutali kulilemeka mu nzila eyo njo bakali kuyanda kulilemeka, pele kulilemeka mu nzila eyo Leza nja kali kuyanda kuti balilemeke. Ngu mbo buca nguwenya, sunu, amuya myaaka.

¹⁶⁶ Sena tuli jisi maminiti aambi ali kkumi kuya, kubamba aba? [Mukwesu Neville waamba, "Ameni."—Mul.]

¹⁶⁷ Nda fwambaana ncobeni kujana syakacite uumbi. Nda bona umwi kumbele lyangu lino. Zina lyakwe ngu Josefa. Wa kali mwana uusalidwe. Wa kali cikozyano cilondokede ca Jesu Kristo. Wa kazyalwa kali munsinsimi. Wa kali musinsimi, awalo. Mwabona? Alimwi lino wa kali kukonzya kubona zilengaano. Elyo cindi nakacili mulombe musyonto, wa kabona cilengaano cakwe kakkede aa cuuno ca bwami, nkabela babunyina bakwe kaba mufugamina. Mwabona? Pele amulange. Wa kaba . . . Wa kalimvwa mbuli kuti wakali mulombwana mulemu. Mwabona? Boonse babo . . .

¹⁶⁸ Pele Leza cinzi nca keelede kucita? Wa kacita cintu nciconya Nca kacita kuli bamwi babo. Nkaambo, Musa wakali muvuni,

Paulo wakali mvuni, nkabela lino Josefa wakali mvuni. Wa kafutula bantu kuzwa ku nzala.

¹⁶⁹ Ino ncinzi Leza nca keelede kucita a nguwe? Kamubika mu ntolongo, kamubika ncobeni moonya mu ntolongo. Iyi, munene. Amuyeeye, wa kasambalwa a babunyina bakwe, ku muna Egepita. Elyo baka musambala kuli Potifara. Elyo Potifara wakamupa bulubusi busyoonto, alimwi, cintu citaanzi nywebo mulizi, kuti wa kagusigwa kuli nguwe. Elyo mpaawo wa kakkala mu ntolongo, kalila, kalila. Leza waka cigusya.

¹⁷⁰ Lino amubone. Pele, ciindi coonse, Nda syoma, walo, mu ntolongo eyo, wa kali kunga wayeeya cilengaano eco cakati wa keelede kuyokkala aa cuuno ca bwami, nkabela babunyina bakwe bayo mufugamina, nkaambo wa kalizi kuti cipego cakwe cakazwa kwa Leza. Elyo wa kalizi kuti cakeelede kucitika.

¹⁷¹ Ikuti na twa konzya buyo kujata eco mu mizeezo yesu, alimwi kweendelena ku Ijwi lya Leza, kuti mu mazuba aya Uyo oba a Mbungano, Uyo oba a bantu. Elyo zintu ezi Nzya kasyomezya, Uyo zicita. Wa kati Uyo cita, alimwi tu pona mu ciindi. Tuli waano. Uli mukusola kutubamba kuba baange beni eno, bajatene a Nguwe.

¹⁷² Nywebo mwakamvwa lwiimbo olo lwakale ndo mwiimba, “Elyo mpawo Ndili jalilidwe antoomwe a Leza”? Ndi yanda kujalilwa antoomwe a Leza. Lino, awo mpe Nda li kuyeeya makani aya. Kuba uujalilidwe antoomwe a Leza, taakwe cintu cimbi, alimwi uputa buyo cindi Leza aamba kuputa. Yebo ucita buyo mbuli Leza mbwaamba kucita, mwabona, mpawo uli jalilidwe antoomwe a Leza.

¹⁷³ Lino amuyeeye, wa kali kuyeeya. Akwalo wa kaba sikukakilwa umaninide, kuli lwakwe. Koonse oko nkwaakazi, koonse oko nkwa kamvwisya, a zintu zyoonse, wa kaba sikukakilwa umaninide. Tii caka beleka. Wa kabikkwa kubweendelezi bwa ciimo oko cakuti kwiina muntu wakali kukonzya ku muswiilila. Wa kali mwaange. Mwabona? Wa kabikkwa mu ciimo, cakuti batasyomi ingatabaka syomi pe. Sena mwabona eco nce Ndi pandulula? [Mbunga yaamba, “Ameni.”—Mul.] Mulimo wakwe wakabula nguzu. I bantu baka cengulusya mitwe yabo. Tii bakakonzya ku muswiilila mu ntolongo. Mbubotu nzi mulimo wakwe nco wakali kukonzya kucita? Antela na kaima ku mingwala ya ntolongo a ku bakambaukila; ni bakeenda kuselemuka kagwagwa. Mwabona? Pele wa kaba mwaange. Elyo Leza wa kamubamba, i mwaange, kusikila walo wakatalika kubeleka kabotu. Kati, “Ngooyu muntu Wangu.” Bulemu! Kukakilwa kumaninide!

¹⁷⁴ Kumamanino, Leza wakaboola kuli nguwe mu ntolongo yakwe. Mbuli Paulo, mbuli boonse bamwi babo, Wa kaboola kuli nguwe. Elyo Wa belesya cipego eco Nca kamupa, kuti amugwisye muya. Mbo mbubo. Wa kamugwisya kuzwa ku

ntolongo yakwe. Wa kacita nzi? Mbwa Ka mugwisya buyo kuzwa ku ntolongo yakwe, wa kapegwa nguzu kwiinda ku mwaami, mwaami wakwe, cakuti wa kakkala ku lubazu, cakuti wa kali kubweendelezi. Wa kagusigwa kuzwa ku ng'anda ya ntolongo a kupegwa nguzu; kusikila, kufumbwa cintu nca kaamba, caka leelede kucitika. Ameni.

¹⁷⁵ Mu ntolongo yakwe, wa kayeeya cakutaleka, wa kazyalilwa kaambo ako. Wa kaleelede kuyo kkala muni lya mwaami. Boonse bamwi babo bakeelede kuyo mufugamina ku mazwi. Cilengaano cakwe caka mwaambila boobo. Ameni. Pele cilengaano cakwe kacitana maninina kuzulula, wa keelede kuba mwaange. Ameni. Elyo mpawo wa kaba mweendelezi. Elyo cindi na kazwa ku ng'anda yakwe ya ntolongo, nkabela wakaba mwaange wa Ijwi lya Leza, cakuti wakali kukonzya buyo kwaamba eco Leza nca kabikka mu kamwa lyakwe kwaamba, mpawo Leza waka beleka kwiinda muli guwe.

¹⁷⁶ Amubone, oyo Musa wakali jisi nguzu zya kwaanga bami ba Farao, ku luyando lwakwe mwini. “Ikuti na waamba ku dundu eeli, ‘Ko zyuka.’” Wa kali jisi nguzu zya kwaanga bami ba Farao. Naa bakali madaikona, na baalu, na kufumbwa mbo bakabede i—i baiminizi ba cisi na kufumbwa mbo bakabede. Wa kati, “Nda kwaanga,” nkabela ba kaangwa. Mbo cakabede. Wa kali kukonzya kucicita ku ijwi lyakwe lini, ku kuyanda kwakwe mwini. Ameni. Bulemu kuli Leza!

Oh, Ndi jisi buyo maminiti ambi aatandili kuli otatwe, kutegwa Ndi zulizye ijwi lyangu.

¹⁷⁷ Lino tu jana kuti, walo wa—wa kaba mwaange kuli Leza, kuzwa ku mwaange kuya ku nyika. Kuzwa... Paulo, nzila njiyonya. Elyo Musa, nzila njiyonya, kuzwa ku mwaange kuya ku kuyeeya kwakwe mwini, ku mwaange kuli Leza. Elyo cindi na kalibonya, wa kajisi nguzu zya Leza. Elyo cindi na kaba Paulo... Cindi kuyeeya kwa kaindi, kwa Musa, wa kakwaaba a kunyangwa ncico, wa kaba mwaange ku Ijwi lya Kristo. Kali kukonzya buyo kuputa kufunbwa ku busena... .

“Yebo wati, ‘Kristo?’”

¹⁷⁸ “Wa kezezezya kusampaulwa kwa Kristo kuti ndukono lupati loko kwiinda olo lwa Egepita.” Aboobo wa kali mwaange kuli Kristo, mbuli buyo Paulo mbwa kabede.

¹⁷⁹ Amuyeeye, boonse babo botatwe bakali basinsimi. Mwabona? Elyo baka leelede kunyonwa kuyeeya kwabo kwini, kutegwa babe baange ku luyando a nzila zya Leza.

¹⁸⁰ Mpawo tula yeeya, eno, kuti wa kajisi nguzu zya kwaanga, ku ijwi lyakwe mwini. Wa kali jisi nguzu zya kwaangulula, ku ijwi lyakwe mwini. Wa kali kukonzya kwaamba, “Nda kwaangulula, mu zina lya mwaami wangu.” Ameni. Farao wakabamba Josefa kuba mwana wakwe.

¹⁸¹ Kristo ula bamba Bakwe, baange ba luyandisyo, kuba bana Bakwe. Elyo Wa kabapa nguzu, cintu nciconya Nca kajisi. Musalali Johane 14:12, “Oyo uusyoma aali Ndime, mwabona, milimo eyo Nje cita uyo icita ayalo. Akwalo minji kwiinda eyi uyo icita.” Lino mwaange wa luyandisyo lwa Kristo kupegwa nguzu kwiinda ku Mwaami wakwe, Uuli ngu Kristo. Amen. “Elyo ncobeni Nda mwaambila, ikuti na mwaamba ku dundu eli, ‘Ko zyuka,’ a kuta zumbauzya mu myoyo yanu, pele kusyoma eco nco mwaamba kuti ciyo citika, muyo tambula eco nco mwaamba. Ikuti na mwa kkalilila muli Ndime, a Ijwi Lyangu muli ndinywe; ikuti na muli mu jokwe a Ndime,” nkaambo Walo a Ijwi Lyakwe ncmwi. “Ku matalikilo lyakali Ijwi, a Ijwi lyakali a Leza. I Ijwi lyakaba mu mubili wabuntu a kukkala aakati kesu. Mbubuca nguwenya, sunu, amuya myaaka! Ikuti na mwa kkalilila muli Ndime,” kutali mukati *awa* a *kuya*. “Ku kkalilila muli Ndime, a Ijwi Lyangu muli ndinywe; amulombe eco nco muyanda, na amwaambe eco nco muyanda, ciyo citwa kuli ndinywe.” Wa kali jisi nguzu.

¹⁸² Amubone, katana kuzwa, wa katolwa kubusena a kuyo gelwa. I zintu zisyoonto zya kalelede kugelwa katana konzya kuswaana mwaami. Mwabona?

¹⁸³ Oh, Leza ziindi zimwi ula tola bantu Bakwe ku busena mbuli boobo, a kugela makanze abo eni masyoonto, kuba tondezya kuti taba konzyi kucita buyo eco nco bakali kuyanda. Nywebo mulizi eco nce Ndi pandulula. Ta bali—ta bali mu bulubusi kucita eco nco bayanda kucita. Kabatana ku konzya kunjila mu nguzu zizwide a kuba bazibe baluyando kuli Kristo, beelede kugelwa elyo mpawo batuulwa. Ziindi zimwi Ula batola ku lukula, kuyo cita eco, kuyo bagela. Elyo mpawo ku batondezya, balo bananike, ku kuzulizya kaambo ako Mbwa kabasalila kuba. Mwabona eci nce Ndi pandulula?

Bakwesu, tuli ku ciindi caku mamanino.

¹⁸⁴ Amuyeeye, ziindi zyoonse zimbi, eco Nca kacita. Wa kacita lyoonse kubweza muntu a kumu bamba kuba mwaange kuli Nguwe, kusiya zyakwe mwini. Wa keelede kusiya zintu zyoonse ezyo nzya kazi, kuluba kwiiya kwakwe koonse, zintu zyoonse, kutegwa azibe luyando lwa Leza, a kutobela Leza.

¹⁸⁵ Ta konzyi kutobela kufumbwa cintu eco muntu nceelede kucita, alimwi Leza, ciindi comwe. Cili iimpene loko, kuli umwi aumwi. Yebo tokonzyi kuya kujwe a kumbo ku ciindi comwe. Yebo tokonzyi kuya kulumwesi a kululyo ku ciindi comwe. Yebo tokonzyi kuno cita ciluleme a cilubide ku ciindi comwe. Yebo tokonzyi kutobela muntu a Leza ku ciindi comwe. Peepe, munene. Ula sala kutobela Leza na kutobele muntu.

¹⁸⁶ Lino, mpawo, ikuti na utobela Leza a kulyaaba lwako kuli Leza, mpawo ulaba mwaange kuli Leza oyo, ku Ijwi eelyo,

ku luyando olo. Takukwe makani cintu cili coonse cimbi nco caamba, ulaba mwaange i—i kuli Ndilyo.

¹⁸⁷ Amuswiilile. Tuli ku ciindi caku mamanino. Elyo inga Nda amba eci antoomwe alulemeko a bulemu, mbuli maminiti masyoonto aamamanino mbwali mukucinca kuciindi. Amulange. Eco Leza, ku kuyeeya kwangu, uyo cita alimwi weelede kucita, alimwi uyo cita mu buzuba obu bwa mamanino, nku jana cibelesyo ca butebuzi. Walo uleelede kujana cibelesyo, ca kupupuluzya cibuye. Kufumbwa mulimi, cindi ayinka ku butebuzi bwakwe, uleelede kuba a cibelesyo caku belesya; kuli masimpe, uleelede kuba sikela libosya na cintu cimwi, icibelesyo cimwi, ca kupupuluzya museke. Nkabela butebuzi bwa bizwa.

¹⁸⁸ Leza, kotubweza mu janza Lyako. Kotubamba kuba bazike baangidwe iba luyando Lwako. Tu belesye kuba zibelesyo, ku kuleta kumvwisya kuzwide ku nyika eyi, iitukidwe eyo njo tupona mo sunu, kuteeti Jesu Kristo ngu mbobuca nguwenya, sunu, amuya myaaka.

¹⁸⁹ Kuli lwangu, Leza, andibe mwaange. Ikuti na boonse bakwesu bangu ba ndikaka, ikuti na boonse beenzuma bangu ba ndikaka, Ndi yanda kuba mwaange wa Jesu Kristo a Ijwi Lyakwe, kuti Ndi be uutambide ku Ijwi Lyakwe, kwiinda ku Muuya Uusalala, ku bona Muuya Uusalala kusimpikizya Ijwi Iya Leza kwiinda ku zintu nzizyonya ezyo Nzo kaamba kuti ziyoy citwa. Ndi yanda kuba mwaange wa Jesu Kristo.

Atu kombe.

¹⁹⁰ Nda yeeya, sunu masiku, a mitwe yesu kiikoteme, ikuti na obo mbo bukanze mbotu jisi, bwa kuba cintu cimwi cimbi, na ndiza cintu cimwi eco ncotunga twa yeeya, cintu ca kuliyanda, kuyeeya ikuti na tii twakonzya kubaanga nkubikka eco aambali.

¹⁹¹ Nda yeeya ikuti mulombe umwi mukubusyi kuno, sunu masiku, kulanga koonse, kwaamba, “Ndi yanda kuba, cindi Nda kukomena, Ndiyo ba cintu cili *boobu-boobu*.” Ndalibuzya ikuti na ula konzya kulimvwa luyando lwa Leza kweenda mu buumi bwako, a kuti, “Peepe, peepe. Uh-huh. Ndi—Ndi. . . Makanze aang asweeka eno. Nkambo mazuba masyoonto aamamanino, Muuya Uusalala wali kwaambaula kuli ndime. Ndi—Ndi—Ndi—Ndi yanda kulipa lwangu kuli Leza, kuba icibelesyo ca kupupuluzya ica buzuba bunu bwa mamanino.”

¹⁹² Musimbi umwi mukubusyi oyo uunga ujisi makanze aa muntu mulindu mubotu, na—na ndiza mukaintu waumwi mubotu aniini, na ndiza buzuba bumwi kubamba Hollywood kuba ncito yako, Nda—Nda yeeya ikuti na toli bambilide eno kwaaba bukanze bwako mu Busyu bwa Leza a Ijwi Lyakwe, kumvwa kwiitwa kwa Leza mu buumi bwako bwini. Leza ulizi mbobede.

¹⁹³ Nda yeeya ikuti na inga kwaba mukambausi munsu, na mulanda, mubelesi kubusena bumwi mu cikombelo. Nda njila

buyo awa, mu ziindi zinji. Ta—Ta ndiziyo basyoonto bantu bali awa, sunu masiku, pele Ndi. . . basyoonto aba abo balikuno. Nda yeeya ikuti na inga kwaba muntu uli boobo, oyo uunga uli libambilide kwaamba, “Ta ndikwe makani eco kufumbwa muntu ncaamba. Ndili muzike wa Leza eno. Ndiyo—Ndiyo—Ndiyo kambauka Ijwi Lyakwe, nketakwe ndaba. Ta ndikwe makani ku cintu, kabunga kangu—kangu ka nditanda, Ndi ciyo kkala a Ijwi eelyo. Ndiyo—Ndiyo cicita. Luyando lwangu ngu luyando lwa Leza. Luyando lwa Leza ngu luyando lwangu. Ndiyo oba mwaange kuli Jesu Kristo. Kwiinda ku luzyalo Lwakwe a lugwasyo, Njo cicita.”

¹⁹⁴ Amu ciyeeye, kuciindi notu kotamika mitwe yesu. Mbangaye bajisi bukanze obo, sunu masiku? Walombwa kutambika janza lyako. Eelyo ndi lyangu, alyalo. Nda lipa koonse. A mitwe yesu kiikoteme eno, bucebuce eno, mbuli mbo mu ciyeeya eno, mbuli mbo mukomba.

Nda lipa koonse,
 Nda lipa koonse,
 Koonse kuli Nduwe, Mufutuli wangu
 uulelekedwe,
 Nda lipa koonse.
 Nda li- . . .

¹⁹⁵ Sena ncoambacini? “Ndi yanda kuba mwaange. Ndi. . . Ko ndibweza, Mwami. Ko ndibweza kuya kunselelo ku ng’anda ya Mubumbi, sunu masiku. Kondi mwayulula koonse, a kundibumba lwabili, kunselelo kuno.”

. . . kuli Nduwe, Mufutuli wangu uulelekedwe,
 Nda lipa koonse.

¹⁹⁶ Taata Wakujulu, mbuli lwiimbo mbo luzumanana kulila, Nda ciyeeya kuba calugwasyo loko ku ciindi eci, kuti Nda—Inga ndagolomokela mu lwiimbo a kwaambaula kuli Nduwe kwa kaindi kaniini. Mbuli bantu mbo bali mukuyeeya, “Nda lipa koonse,” Taata, akube kuti tucite eci, antoomwe mbuli eco kuteeti ncoolwe cesu eci camamanino ku cicita. Atu boole a kusinizya, kuboola ku tafule lya Mwami, mbuli mbo cakabede, a zikobela zyakasamba, buntu bwakasamba, luyando lwakasamba, makanze aakasamba, ku lipa lwesu.

¹⁹⁷ Elyo kulekela Leza kubweza Ijwi Lyakwe, kutubikka mu jokwe antoomwe a Ndilyo, Ijwi lya Leza. Elyo akube kuti Muuya Uusalala utu bweze eno, mbuli mbo tumvwa jokwe kali gwabikwa koonse ku myoyo yesu, “Kuzwa ku ciindi eci ca masiku ano, Nda zumina mbuli ijwi lyako lini mbolibede. Lino uta yeeyi mizeezo yako ini. Koyeeya miyeeyo Yangu. Koyeeya luyando Lwangu. Njo kusololela.” Leza, kopa kuti lukabe luzibo kuli umwi aumwi wesu.

¹⁹⁸ Aba bantu bakubusyi bakkede awa; mulumi a mukaintu; a bamwi baboola kuba mulumi a mukaintu. Kuli bantu bapati

loko bakkede awa, abo bali mbakambausi, bakali mu mugwagwa lyoonse. Elyo, Mwami, ngooyu Mukwesu Neville, a Ndime, tuli mukusika aatala eni aa matantilo. Mazuba esu aya buceya eno. Intaamo zyesu zyangambwa caku pakamana loko kwiinda obo mbo twa kazibamba. Tula langilila oko nko tulyata. Ta tukonzyi cakanzambwene, kwaamba cakunyama, mbuli mbo twakabede ciindi cimwi. Pele, Mwami, mbuli mbo tubona buumi obu bufwika kabuyabaala, alimwi taakwe ntaamo zyakweenda kwesu zili masimpe kakutakwe Nduwe ku jatilila janza lyesu.

¹⁹⁹ Lino, Leza, kotu bweza, sa Ula cita? Ko bweza myoyo yesu a luyando lwesu mu janza Lyako Lini, a kutu bamba kuba baange, sunu masiku, ku Ijwi, kuli Kristo. Akube kuti tu kapone buumi bwa bunaleza kuno. Akube kuti banakazi aba, banakazi aba bakubusyi, baalumi aba bakubusyi, balombe a basimbi, ba tuule buumi bwabo, Mwami. Elyo akube kuti bukanze bwabo bube bukanze bwa kubelekela Jesu Kristo. Elyo atube baange ba luzyalo Lwakwe lwa Buleza a luyando. Ko cipa, Mwami.

²⁰⁰ Nku koonse nko Ndi zyi kucita, Mwami. Aya majwi maniini a palangene, alimwi Nda—Nda syoma kuti Uyo abikka antoomwe, muzila iiluleme. Nkaambo, ku lapyo muno, nkabela bantu bayanda kuswiilila, pele ku lapyo ncobeni. Elyo banji beelede kuya ku ng'anda a kuyo beleka cifumo maningi. Pele akube kuti imbuto ezyo zikkale buyo mu myoyo yabo, “i mwaange.”

²⁰¹ Kuya ku ng'anda a kwaamba ku mukaintu, mbuli mboba . . . kabatana libambila kufugama a ku komba, masiku aya, na mangolezya aya, muni lya kumbali ilya bulo, kulanga kuli umwi aumwi, kwaamba, “Oyandwa, ino kujatikizya eco, sunu masiku? Sena twaba baange ncobeni kuli Kristo a ku luyando Lyakwe, na—na sa tu beleka kwiinda ku luyando lwesu lwini?”

²⁰² Akube kuti baalumi bakubusyi a banakazi bakubusyi, masena oonse, kapati abo bamvwa Mulumbe, sunu masiku, ba libuzye mubuzyo oyo nguonya, “Sa Ndili bambilide kuba mwaange, kusiya buumi bwangu bwini?”

²⁰³ “Oyo uuvuna buumi bwakwe uyo busweekelwa, pele oyo uyo sweekelwa buumi bwakwe nkambo ka Ndime uyo bujana.” Taata, tu lizi, ikuti: nkuba mwaange Wako, ku sweekelwa makanze esu eeni a kuyandisya kwesu kwini, ku jana Bwako, mpawo tuli jisi Buumi Butamani. Ko cipa, Mwami.

²⁰⁴ Cintu buyo nco Ndi zyi, nku cituula eno mu janza Lyako. Alimwi acibe cizyala micelo a kuleta zibelesyo zipati—zipati zya butebuzi bwa buzuba bwa mamanino, baalumi a banakazi, balombe a basimbi, ba lipede ku luyando lwa Leza lumaninide, a kuba baange ba Jesu Kristo, ku luyandisyo Lwakwe, baangidwe a zyaanzyo zya luyandisyo lwa Buleza kuli Kristo. Twa cilomba mu Zina Lyakwe.

Nda lipa koonse,

A twiime.

Nda lipa koonse,
Koonse kuli Nguwe, wangu...?...

²⁰⁵ A twaambe buyo lwabili, a meso esu kaajalidwe a maanza esu mujulu.

Nda lipa koonse,
Nda lipa koonse,
Koonse kuli Nduwe, Mufutuli wangu
uulelekedwe,
Nda lipa koonse.

²⁰⁶ Lino, twalombwa kukotamika mitwe yesu, alimwi kalutana kwiimbwa lwiimbo lwa kumwaika, lwa *Kotolelela I Zina Lya Jesu*, Ndila lomba kuti—kuti mukwesu oyo awa...Nda luba zina lyakwe. I mucizi oyo walungulula kujatikizya cilengaano ca mudima kaciya buboola atala, oyo wa kaponesegwa. Elyo amuyeeye, kulanga kusule, cisitilizyo caka mana. Lusyomo lwakwe lwakacita eco. Ko tumwaisya mu mupailo, sa inga wacita, mukwesu na? A kulomba zileleko zya Leza aali ndiswe.



I MWAANGE TNG63-0717

(A Prisoner)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwatatu mangolezya, Kunkumunamasamu 17, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org